

सानसेयारि

बड'सा

सानसेयारि "बड'सा" खीरालाइयाव
समाज्यादि जिउजो लोब्बा थावाय रायथाय, खन्थाय,
सल', सल'बाथा आरो दावबायादि थावनि, पार्क
बाइदिनि सायाव लिखाय लिखाय दिहाय ठर/
सानसेयारि "बड'सा" खीरालाइया खेबखानाबै
फोसावयोनि/
बड'सायाव लिख्ठरनायनि हुबा खालाम,
"बड'सा" खी नौथो, जो बयबो आंगो खालाम/
सानसेयारि बड'सा मावखुलि
माइब नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Monday ★ 9 December, 2024 Kokrajhar, BTC, Assam ★ Vol. - 33, Issue No. 252 ★ R.N.I.Regd.No.40994/91, Assam Govt. Regd.No.IPRD.40/2006/3, ★ Rs.8/-

राइज्यो बेंगिरिया आसाम पुलिस गाहाइफोरनि लोगो हमलायनाय सावराय जथुमनि फोजोबनाय फोबोयाव बाहागो लादों

गुवाहाटी, 8 डिसेम्बर: आसामनि राइज्यो बेंगिरि लक्ष्मण प्रसाद आचार्य आ दिने उलुबारिआव थानाय आसाम पुलिस गाहाइ मावख'आव खुंजानाय आसाम पुलिसनि गाहाइफोरनि लोगो हमलायनाय जथुमनि फोजोबनाय फोबोयाव बाहागो लायो। मख'नो गोनादि, आसाम पुलिसआ आसाम खोन्दोनि बैसोर आइपिएस बिबानगिरिफोरनि थाखाय लोगो हमलायनाय हाबाफारि खुदों जायफोरा आसाम, मेघलयनि डिजिपि महरें आरो सिएफिएफ/सिपिअनि गाहाइ महरें खामानि मावदों। बे हाबाफारियाव बिबुंथि होनाने राइज्यो बेंगिरि



आचार्य आ गासैंबो बारग' डिजिपिफोरनो गोसो गोथारें हामब्लायथि बाउनाने बुडेदि, बे

हाबाफारिया बारग' डिजिपिफोरखों ज' खालामदोमोन, जायफोरा गोजौसिन मासियाव

जिरायदोंमोन आरो आसाम पुलिसखों गावसोरनि बिदिथिगोनॉं (□ 6 बिलाइआव)

गिबि मन्थिआ बुर्लुबुथुर दैमानि सायाव थानाय पलाशबारि-सुवालकुसि फोनांजाब दालां लुनायनि भुमि फुजायाव बाहागो लादों

बे दालांआ 2028 माइथायनि जुनसिमाव आवुं जागोन: गिबि मन्थि

दिसपुर, 8 डिसेम्बर: आसामनि लामा लुफुंथायखों गोखों खालामनायनि फारसे मख'जाथाव आगान लानाने गिबि मन्थि ड हिमन्त विश्व शर्माया दिने बुर्लुबुथुर दैमानि सायाव पलाशबारि-सुवालकुसि फोनांजाब दालां लुनायनि भुमि फुजा फोबोआव बाहागो लायो। बे हाबाफारियाव बिबुंथि होनाने, ड शर्माआ बे सानखों मोनसे जारिमिनारि माइल खुन्थिया महरें फोसावो, जाय राइज्योनि रोगाथाय नेटवर्कखों बां होनायाव बेनि गोनांथिखों



जौगाखानाय आबादारिफोरनो जिउखां आरो थिसन्थाइ सोर्जिनायनि थांखिजों जर'खा बिथांखि बेखेवदों आरो आबादनि आगजुफोरगथायनाय हाबाफारि खुदों

सरकारआ गाइखेर दिहुथाय, ना दिहुथायाव गाव सोनानायनि थाखाय नाजादों: गिबि मन्थि



दसपुर, 8 डिसेम्बर: गिबि मन्थिनि गासैं गामियाथि जौगाखां बिथांखि (समग्र ग्राम्य उन्नयन यजना) नि सिडाव आसामनि गाइखेर, बेदर आरो दावदैं बिथांखि

आफादनि सिडाव जालुकबारि बिधान सभा बियाबनि जुनात धोन खोन्दोनि गोजौ थाखोनि आबादारिफोरनि थाखाय जिउखां आरो थिसन्थाइ सोर्जिनायनि

थांखिजों दिने कामरुप जिल्ला बेंगिरिनि मावखुलि लांगोनायाव खुंनय मोनसे हाबाफारियाव जर'खा बिथांखिखों गोथारें बेखेवनायजों लोगोसे आबाद मावनायनि थाखाय आगजुफोरखों आसामनि गिबि मन्थि ड हिमन्त विश्व शर्माआ गथायना होयो। हाबाफारियाव गिबि मन्थिआ महाबाहु आबादारि दिहुनग्रा आफादनो जुथाय जौगाखां बिथांखिनि सिडाव गोजौ थाखोनि बिरोंदामिननि माइ मारा होग्रा मोनसे जोन्थोखों गथायना होयो। (□ 6 बिलाइआव)

कक्राझारआव पलिअ साब-नेसनेल टिका थुनाय सान बेखेवदों



कक्राझार, 8 डिसेम्बर: कक्राझारआव जिल्ला नाडेंनो बा वोसोर बैसो गाहायनि खुदियाफोरखों नोजोर होनाने दिनेनिक्राय मोनसे गुवार पाल्स पलिअ टिका थुनाय हाबाफारिया जगायजेनबाय। पलिअ इपफोरखों बुथफोर, नख'र-नख'र थोंग्रा हान्जाफोर, मबाइल इडनिटफोर आरो टूनिजिट टीमफोरनि गेजेरजों होनाय जादों जाहाथे रावबो गथस'आ टिका थुजायाजासे थाया। कक्राझारआव फोसावनायखों मावख'आरि महरें आरएनबि सिभिल देहा फाहामसालियाव कक्राझारनि जिल्ला बेंगिरि मचान्दा पर्टिनआ बेखेवनाने होयो, (□ 6 बिलाइआव)

गवर्धना-खारिजा बिजनी फरायसालिमानि रुफाथि माइथाय फालिथाया खुंफुंजाबाय

गोजोन थासारिया गिदिबोफिनायनि थाखायनो सोलेंथाइयारि आबहावाया गिदिबोफिनादों: प्रमद बर'

सालबारि, 8 डिसेम्बर: बरपेटा जिल्लानि गवर्धना-खारिजा बिजनी जुनियर फरायसालिमानि रुफाथि माइथाय फालिथायनि दिनेनि नैथि एवा जोबथा सानाव मोनसे रंगिना-संगिना हारिमुवारि हान्जा सुरनाय हाबाफारि खुनाय जायो। गुबुन गुबुन हारि-माहारिनि दोरोडारि सुबुं हारिमुखों (□ 6 बिलाइआव)



चिरांआ पलिअ 'जों जुजिनो थाखाय साब-नेशनेल थिखा थुनाय सान (एस.एन.आइ.डि.) जागायदों

काजलगावआव जेएसबि सिभिल देहा फाहामसालियाव जिल्ला थाखोनि बेखेवनाय हाबाफारि



बिजनी, 8 डिसेम्बर: चिरांआव साब-नेशनेल इन्पुनाइजेसन सान (एसएनआइडि) नि जिल्ला थाखोनि बेखेवनाय हाबाफारिखों दिने रबिबारखालि जोहोलाव सोमब्ला बसुमतारि सरकारि देहा फाहामसालियाव मावख'आरि महरें बेखेवना होयो चिरां जिल्लानि

हानाय बेराम, जाय माखासे ओन्सोलफोराव राइजो-राजानि सावस्त्रिनि थाखाय खैफोद जानानें दं। बे जागायनायनि थांखिया बेखों रोखा खालामनायदि जिल्लायव 0-5 बोसोर बैसो सिमानि साफ्रोमबो गथ'फोरा जिउ रैखा खालामग्रा पलिअ टिका मोनो। एस.एन.आइ.डि. आ चिदली आरो बालामगुरि सेक्टरफोरनि 24 ब्लकफोराव गासैं 438 थिखानाय टिका थुग्रा मिरुफोरखों लाफागोन। बिमा-बिफा आरो जोथोन लागिरिफोरनि थाखाय गोरलेंथे (□ 6 बिलाइआव)

बरमुकलि दालाइ एबसुनि खुंगा 20थि बोसोरसालिया जथुममाया खुंफुंजालांबाय



उदालगुरि, 8 डिसेम्बर: उदालगुरि जिल्ला पानेरि दख'रा दुलाराय बर' फरायसा आफादनि बेंखनआव थानाय बरमुकलि दालाइ एबसुनि खुंगा 20थि बोसोरसालिया जथुममाया दिने भारत-भुटान सिमा मैखोम बर' ओन्सोल 2 नं. सागलिझार गुदि फरायसालिनि गेवलां गेलेग्रा फोथाराव सानेनि हाबाफारिजों खुंफुंजालांबाय। दिने जोबथा साननि हाबाफारिया फुंभिलि समाव गोलावसिन खारनाय, दुलाराय बर' फरायसा आफादनि आर'ज मेथाइ रोजादनाय, आफादनि फिरफिला बिरहोनाय, बड'फानि मुसुखायाव बिबार बावनाय, थुनलायारि (□ 6 बिलाइआव)

'समास्थिनि खबामजों, जिउनि रंजानाय' आयदाफारिनि हाबाफारि खुदों साफ्रोमबो साखेन-सिखेन खालामग्रा मावफारियाफोरा साफा-साफा गोग्गाथाव असमीया: ड हिमन्त विश्व शर्मा

दिसपुर, 8 डिसेम्बर: डा: हेडोवार गोसोखांथि आफादजों सामलायजानाय वाल्मिकी देंखो फरायसालिनि बान्जानयायाव गुवाहाटीनि बर्षापारा क्रिकेट स्टेडियमआव खुंनय 'समास्थिनि खबामजों, जिउनि रंजानाय' आयदाफारिखों लानाने हारिमुवारि हाबाफारि खुंनयाव दिने आसामनि गिबि मन्थि ड हिमन्त विश्व शर्माआ बाहागो लाफेदों। हाबाफारियाव गावनि बिबुंथियाव गिबि मन्थिआ फरायसाफोरनि जोबोद मोजां आरिमुवारि फाव (□ 6 बिलाइआव)



द्वारकुसि दख'रा एबसुनि 25थि बोसोरसालिया जथुमनि गाहाइ खुन्थियाखों गाइसनबाय

तामुलपुर, 8 डिसेम्बर: तामुलपुर जिल्लानि बेन्दोंआव थानाय द्वारकुसि दख'रा दुलाराय बर' फरायसा आफादनि 25थि बोसोरसालिया जथुमा आरो रुफाथि माइथाइ फोबों फालिथाइआ सोलिफु डिसेम्बर दाननि फैगों 24 आरो 25 खालाराव साननेनि हाबाफारिजों खुंजागोन। द्वारकुसि दख'रा एबसुनि उदां गेलेग्रा फोथाराव बे बोसोरसालिया जथुमाखों गाजा-गोमजायें खुंनो (□ 6 बिलाइआव)



कक्राझारआव श्रीश्री ठाकुर अनुकुल चन्द्रनि 137 थि जोनोम सान फालिदों

कक्राझार, 8 डिसेम्बर: रंजा-बाजा आबहावानि गेजेरजों दिने सानसेनि हाबाफारिजों कक्राझारनि बड'फा नोगोराव थानाय ग्रिन फिल्डआल धोरोगगुरु श्रीश्री अनुकुल चन्द्रनि जोनोम फोबों खुनाय जायो। जोनोम फोबोंनि हाबाफारियाव दिने फुंभिलिनिफ्राय सतसंगि धोरोगगुरि भक्तफोरनि नुजाथिनायजों ग्रिन फिल्डआव मोनसे फोबों बायदि थासारि सोमजियो। मख'नो गोनादि, धोरोगगुरु श्रीश्री ठाकुर अनुकुल चन्द्रनि जोनोम फोबों फालिथायाव



आसामनि दाब-दाब जायगाजों लोगोसे सोनाब बंगनिफ्रायबो गोबां भक्तफोरा बाहागो लाफेयो। फोबोंथियाव फुंनि समाव मुलुवा

गोजोननि थाखाय जथाय आर'ज गाबनाय हाबाफारि खुनाय जायो। बे जथाय आर'ज गाबनाय हाबाफारियाव बिटिसिनि बारग' (□ 6 बिलाइआव)

खाग्राबारि दख'रा एबसुनि खुंगा 42थि बोसोरसालिया जथुममाखों खुंफुंबाय

बर' आइजोफोरनि थाखायसो बर'फोरनि रांखान्थिया गोदोनिफ्रायनो जौगाबोदों आरो जौगालांबावनांगोन: खनिन्द्र बसुमतारि

उदालगुरि, 8 डिसेम्बर: खाग्राबारि दख'रा दुलाराय बर' फरायसा आफादआ आफादनि खुंगा 42थि बोसोरसालिया जथुममाखों साननेनि मेहेरगोनां हाबाफारिजों दख'रानि बेदोखव थानाय बुदुरागामि गुदि फरायसालिनि गेलेग्रा फोथाराव 7 (□ 6 बिलाइआव)



सोनाब सान्जारि नोगोर दख'रा खौसेथि बर' सुबुं आफादनि खुंगा 4थि से बोसोरारि जथुमा खुदों

सिमेन सापरि, 8 डिसेम्बर: सोनाब सान्जारि नोगोर दख'रा खौसेथि बर' सुबुं आफादनि सानसेनि हाबाफारि लानाने आफादनि खुंगा 4थि से बोसोरारि जथुममाखों दिने धेमाजि जिल्लानि सिडाव थानाय समकं इउ.एन एकाडेमि, फरायसालिनि थाखो खथायाव मेहेर गोनाडे खुंनय जादों। सानसेनि हाबाफारिजों खुंनय बे बोसोरसालिया जथुमनि हाबाफारि बायदिथे फुंभिलि समाव आफादनि फिरफिला बिरहोनाय जायो, आफादनि फिरफिलाखों बिरहोयो सोनाब सानजारि नोगोर दख'रा खौसेथि बर' सुबुं आफादनि आफादगिरि अमिन बर'आ आरो मुंखलंफोरनो बिबार बाउनाय हाबाफारिखों मावफुंनाने होयो सोनाब सानजारि नोगोर दख'रा खौसेथि बर' सुबुं आफादनि (□ 6 बिलाइआव)



सुजुगिरिनि खोलोम

दाव-अमा फिसिनायजोंबो थानानै थानो हानायनि लामाखौ लानो हायो

आबादयानो जॉनि सादा-बुसा मावनानै जाग्रा बर 'फोरनि थानानै थानायनि गिबि आरो गुदि फुंखा। आबादिन अनगायै सादा-बुसा मावदामब्लाग्रा गामियारि बर 'फोर गुबुन माबा मोनसे मुलाम्फायारि गोनां खामानि-दामानि मावनानै रांखांन्थि आर्जिनानयनि लामा लानो गोबाडनो लामा मोना। गाव गसंथानो आबादखौनो गुबै राहा हिसाबै लायोब्लाबो गोनीखोयारि आदोबजों आवगायनो हाद्रायारखै। अब्लाबो बर 'फोरबो आधिकालाव-मोजां मोजां गोबांथार आदर्श आबादयारिफोर दसै। मिथिगायारि फुंखानिफ्राय मोननाय माखासे खबु आरो देहानि बोलो बाहायनानै मावसोमनायनि गेजेरजों गामियारि रांखांन्थियाव गुस्लायनाय लाबोनो हायो आबादयारिफोरा। फसल आबादफोरनि अनगायैबो दाव-अमा फिसिनायबो मोनसे गुबुन रोखोमनि आबाद। गामि ओन्सोलावनो गुबैयै दाव-अमा फिसिनायनि मोजां जायगा आरो थारि मोनो हायो। बेराफसै ना-हांसो फिसिनायनि समानो जादों दैज्जलं बोथोर। दैज्जलं बोथोर सौफेब्लानो गामि ओन्सोलनि गोबां हाखर-हाला, गरखाय-जाम्फेफोरा अखानि दैजों दानब्रे-दानबासिम आबु लोमनानै थायो। बेफोर एरैनो गोर्लेसोनानै थानाय हाखर-हालाफोरावनो समबाय महरै एबा गावयारि बिथिडै ना फिसिनो हागौ। ना-जों लोगोसे जावजा आबाद महरै हांसो फालोबो फिसिनायनि राहा खालामनो हायोब्ला रांखावरिनि फुंखानि लामा लानायनि मिजिं खालामनो हागौ। दैज्जलं बोथोरव थि बेंखनथायनि गेजेराव दोन्नानै हांसो फिसिनो लायोब्ला देयाव थालदानाय-साम'-खांखाइ बायदिसिना एम्फो-एनलाफोरखौनो जानानै थानो हायो आरो बेजोंनो हांसोया देरनो बोलो मोनो। जाउनाव गोबांथार आदारनि गोनांथि जाया। बिबिन्दो हाखर-हालानि फोसाबप्राडै हाग्रा-बंग्रा, दाखोर-दालाफोरबो ना फिसिनायाव गोबां मदत खालामो। नानि थाखाय फोसाबै हाखर, गरखायफ्राव गोबां आदार नांगौ जानानै फैया। मानो होनोब्ला बेफोरव नानि थाखाय गोबां आदार ज' जानानै थाखायो। बेखायनो बेफोरखौ सिगां नोजोर थिग्रोनानै मोजां आरो गोगो जोलैनि ना फुवान आरो हांसो जोलै ज' गायनानै फिसिनायनि बे गोर्ले राहाजों बाडइ खरसा आरो बाडइ समनि गेजेरावनो मुलाम्फा आर्जिनानयनि लामा ओंखारो। गोर्ले दिखुरा हांसो फिसानि थाखाय ना फिसिनाय बादिनो सोरगिदि जेवरनि गेजेराव सम सम आरो बाइजोयावबो सम लानानै हगारलाय-थिसनलाय खालामना होनायनि राहा लायोब्ला गोखै देरनो बोलो मोनो। आथिखालाव ना-बेदरनि गोनांथि बांनय आरो बारायगलाबनाय बेसेनखौ नोजोर होनानै ना-हांसो फिसिनायजोंबो रांखावरि आर्जिनो हायैनि बाध्रा फैया। नाथाय बेफोर राहाजों गोबां मुलाम्फा मोनो हाया, नाथाय साखि-बाखि जासादि बेफोर हाबाखौ मावयोब्ला मुलाम्फाखौ मोनो हायैनि बाध्रा फैया।

आथिखालनि समाव सरकार थिसन्थायनि जेनाखौ सुफुंनंगौया गोब्राव। बे बिथिडै सरकारि खबु नेनानै थास्लायसाय बाडइ सम आरो एसेल' खरसाजों फिसा-फिसा बिथांखि लानानै रां आर्जिनानयनि राहा लानाया गोनांसै।

दिनैनि फान्जामुथि

राशि बाइदियै मुनि गिबि हांखो

मेघ : अ ल बुध : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेघ: गोसोआव मानिबा दुखु मोनखानो हागौ। गोसो हमथानानै थानाय गाहाम।

बुध: जैरेबो रंजा-बाजा खालामनो हागोन। गोसोनै सम बारहोनो हागोन।

मिथुन: माबा-मोनसे ख'हा जानो हागौ। गोसोखौ शान्ति मोननाय नडा। गोसोखौ हमथा।

कर्कट: बेफार फालांगियाव मुलाम्फा मोनो हागोन। फालांगिरि मावग्राफोरनि थाखाय गाहाम सान।

सिंह: सुधुर जानानै थानाया जोबस्तानाय नडा। जैरेबो सांग्रां जानानै थानांगोन।

कन्या: मोजां रोंग'थिनि थाखाय मान मोनो हागोन। गोसोखौ गोजोन मोनगोन।

तुला: जेखियायो जाया नख'रनि शुभ खामानिखौ मावनो हागोन। सानाया जाफुंगोन।

वृश्चिक: जे खामानिखौ मावदों बेयावहाय मुलाम्फा मोनो हागोन। गोसोखौ गोजोन मोनगोन।

धनु: बे राशिनि थाखाय गोथार सान। मोजां खामानि मावनानै लानो हागोन।

मकर: जायखि जाया समावनो मोजां सुबुजों लोगो मोनो हागोन। मोजां सान।

कुम्भ: मोजां रोंग'थि जानो हानानै मुंदंखा जागोन। बयजोंबो बाखाय जानो मोनगोन।

मीन: मोजां मोनलायनाव अनलायनाया बांगोन। गोजोनै सम बारहोनो हागोन।

बांलादेश सिमनानि 0 लाइनआव बिएसएफ जवानफोरखौ थिसनबाय

कलकाता, 8 डिसेम्बर : न'सुसे हादत बांलादेशआव सोलिबाय थानाय हिंसायारि जाथायफोरखौ नोजोर होना सिमना बारनानै हाबफैखोमानाय आरो आइन बेरेखा हाबाफारिफोरखौ होबथानायजों लोगोसे भारतयारि आबादरिफोरनि रेखाथिखौ रोखा खालामनो थाखाय बिएसएफआ मुसिदाबाद जिल्लायाव भारत-बांलादेश इन्टरनेशनल बर्डरआव 0 लाइननि साखाथियाव गावनि जवानफोरखौ थिसनदों। मावख'यारि महरै थिसनयानि उनाव सोनाब बंग'नि बांलादेश



सिमनायाव थानाय रानिनगर थानानि सिडव रजानगर सिमना साखाथियाव बिएसएफ



जवानफोरखौ 0 लाइनआव डिउटि खालामनाय नुनो मोन्दों। बैयाव बिएसएफआ आबादारि

मिबथिहोदों। बिएसएफनि बेबायदि थांखि लानायखौ सिमनाजों नांजाबनाय ओन्सोलाव थानाय आबादरिफोरा गोजोन्नाय फोरसायदों आरो 0 लाइनआव जवान थिसनयखौ बाखायदों। मानोना सिमनाजों नांजाबनाय ओन्सोलनि आबादरिफोरा 0 लाइन सेराव आबाद मावनो थाडो। भारत-बांलादेश सिमनायाव माखासे जायगाफोरव पेन्सिं गैथैनि खबु लानानै बांलादेशनि दुथां आरो सिमागलारफोर हरनि खबुजों आयेन बेरेखायै भारतआव

भारत बेरेखौ एजेन्डाफोरव आमेरिकानि आखाय दं होन्ना बुंनयखौ आमेरिकाया गोखोडै नेवसिदों

गोदान दिल्ली, 8 डिसेम्बर : गहाइ मन्थि नरेन्द्र मदि आरो फालांगिरि गौतम आडानी बिथांमोनखौ थांखि खालामना गालोबनायनि गेजेरजों भारतखौ दिदोमथि गैथै खालामनो नाजानायनि आन्दोआव आमेरिकान गुबुन हादतयारि बिफानआ रांखांन्थि मदत होनाय आफादफोर आरो वासिंटननि सरकारि फसंथानफोराव थाफानाय थत्वफोरनि आखाय दड होन्ना बिजेपिनि दाय जाबसिन्नायखौ आमेरिकाया गोखोडै नेवसिदों। आमेरिकान थान्दै मावख'नि सासे बुंथिगिरिया बेफोर दाय जाबसिन्नायखौ दुखु मोननाय फोरसायना बुंदोंदि, आमेरिका सरकार मुलुगनाडै मिडियानि उदांस्त्रिनि बाध्रा बुडो आरो नोजोर लाखियो। मख'जाथावदि, थानाय बृहस्पतिबायव बिजेपिआ दाय जाबसिन्ना बुंदोंमोनदि, आमेरिकान सरकारि फसंथानफोराव थाफानाय थत्वफोर भारतनि सावगारिखौ ख'हा खालामनो थाखाय



मिडिया पर्टेल असिसिआरपि आरो कंग्रेसनि दैदेनगिरि राहुल गान्धीजों लोगो लाफादों। बिजेपिआ आडानी गुपनि सायाव गारलोबनो आरो सरकारजों बिनि खाथि सोमोन्दो थानायनि दाय जाबसिन्ना थाखाय राहुल गान्धीआ असिसिआरपिनि रिपट'खौ बाहायदों होन्नाबो बुंनय जादोंमोन। आमेरिकानि बिबानगिरिया बुंदोंमोनदि, आमेरिका सरकार उदांस्त्रि गोनां फसंथानफोरजों खामानि मावो, जाय खौरंगिरिफोरनि थाखाय हाबाफारि जौगाखां आरो गोहो दानायनि ट्रेनिंखौ मदत खालामो। बे हाबाफारिया बै आफादफोरनि निजा थांखिफोर एबा बिथांखिनि सायाव गोहोम

इन्डियान अभासिस कंग्रेसनि आफादगिरि पित्रदानि सार्भारखौ हेक खालामदों

गोदान दिल्ली, 8 डिसेम्बर : इन्डियान अभासिस कंग्रेसनि आफादगिरि सेम पित्रदानि सार्भारखौ हेक खालामदों। बिथाडा बे खौरांखौ शनिबारखालि गावनो मिथिहोदों। हेकारफोर पित्रदाखौ हुमखिबो होदों आरो क्रिप्ट' कारेन्सिआव गोबां रोजा डलार दाबि खालामदों। निउज एजेन्सि एएनआइनो इ-मेल दैथाइहरनानै पित्रदाआ बे खौरांखौ होदों। थानाय माखासे सप्ताहफोरव बिथांनि लेपटप, स्मार्टफन आरो सार्भारखौ गले गले हेक खालामदों। बेफोरखौ गोब्राव महरै गोहोम खोख्लैदों होन्नाबो बिथाडा बुंदों। सिगां फारसे कंग्रेसनि आफादगिरिया मिबथिहोनाय बायदिव्ला, दाबि खालामनायखौ हराब्ला हेकारफोरा बिथांनि मान सन्मानखौ फोजोबस्त्रांगोन होन्नाबो हुमखि हरदों। क्रिप्ट' कारेन्सिआव गोबां रोजा डलार दाबि खालामनायखौ हराब्ला बिथांनि नेटवार्कनि सुबुंफोरजों फोनांजाव खालामनानै गासै



फसंथानखौ जंनयाव खोख्लैगोन एबा बदनाम खालामगोन होन्ना बुंदों। बेनि थाखाय हेकारफोर नंखाय खौरां फोसावनायनि अभियान जागायगोन होन्नाबो हुमखियाव बुंदों। पित्रदाआ सुबुंफोरखौ जायखि जाया लिंकआव क्लिक खालामनि थाखाय बोसोन होदों आरो मेलफोरव फेनाय जायखि जाया सौंथिनि फिन्नायखौ होयैनि थाखायबो खालायदों। मानोना बेफोरव मेल बेयार जानो हागौ, जाय डिभाइसखौ खैफोदआव खोख्लैयो। जुदि सोरबाया सिनायमोनै इ-मेल एबा मबाइल नाम्बराजों गावनि बागै जायखि जाया मेसेज हरोब्ला बेखौ क्लिक खालामनानै नाथहैनाड होन्नाबो बिथाडा खालायदों। बेबायदि मेसेज एबा इ-मेल मोनोब्ला क्लिक एबा एटासमेन्ट डाउनलड खालामा जासे थोंजों डिलेट खालामनो थाखाय बिथाडा सुबुरन होदों। मख'जाथावदि, गावनि जेना गोनां बिबुंथिनि जाहोनाव इन्डियान अभासिस कंग्रेसनि आफादगिरि सेम पित्रदाआ गोबां खेब खौरांआव फेखांबाय। सोलिफु बोसोराव मोनसे बिबुंथिनि जाहोनाव बिथाडा इन्डियान अभासिस कंग्रेसनि आफादगिरि मासिखौबो नागारसंदोंमोन। नाथाय उनाव पार्टीआ बिथांनो आफादगिरि बिबानखौ होफिनो।

मनिपुर-पुलिस-सिआरपिएफ आरो आसाम राइफलसआ जुथायै अपारेसन खालामदों



म्फाल, 8 डिसेम्बर: मनिपुर पुलिस, सिआरपिएफ आरो आसाम राइफलसआ खोला थौबाल जिल्लानि थौबाल पुलिस स्टेशननि सिंआव थानाय पेची चिलकनि तलहाटिआव हाथियार दैग्रा बिग्रायारिफोरनि केम्पफोरखौ थांखिना सिग्रोमनायखौ गोखैसिन खालामदों। शनिबार फुंनि 6:00 रिंगायाव खालामनाय मोनसे जुथाइ अभियानआव मनिपुरनि पेची चिलक तलहटीनि पुलियानि गाहाइआव हाथियार, गुलि-बारुद आरो बमा बोखानो मोनो। जब्द खालामनो मोननाय मुवाफोरनि गेजेराव गंसे लाइसिजों लोगोसे मोनसे एसएमजि कार्बाइन, 3 हेन्ड ग्रेनेड, 2 टियुन लन्चार, 4 राउन्ड गोथां गुलि, मोनबा 9 मि:मि: मेगजिन, 26 लांदां गामला, 2 अर्भि रिं आरो चार्जरजों लोगोसे गंसे बाअफें ग रेडिअ सेटआबो दंफायो। से सप्ताहनिबो खमसिन समाव बे बायदि नैथि खेब गिदिर सिग्रोमनाय जादों। थानाय 5 डिसेम्बरआव बे जुथाइ हान्जाआ बै जिल्ला निनो फुं'गि चिं'ग्नाभुंखग ओन्सोलआव अपारेसन खालामदोंमोन। अपारेसनआव गंसे एसएलआर, गंसे एसएमजि कार्बाइन, गंसे 12- बर डबल बेरल गान, गंसे 9 मि:मि: पिस्टल, गंसे 32 मि:मि: पिस्टल, मोन 6 ग्रेनेड, गंने डेटनेटर, गं 39 गोथां गुलि आरो गंसे चार्जरजों लोगोसे गंसे वाकि-टंक बोखानो हायो।

40 बोसोरनि उनाव आमेरिकानि संसदआव भपाल गेस जाब्रबथाइनि केसखौ दिखादों

गोदान दिल्ली, 8 डिसेम्बर : दिनैनिफ्राय 40 बोसोर सिगां 1984 माइथायनि 2 आरो 3 डिसेम्बरनि मोनायाव भपालआव नुजाथिनाय जाथाया भारतनि जारिमिननि बयनिखुइ गिखंथावसिन हरमोन। बै हराव भपालनि गिखंथाव गेस जाब्रबथाया जादोंमोन। बै बोसोरनि 2 डिसेम्बरनि मोनायाव भपालआव थानाय इउनियन कार्बाइड पेस्टिसाइड प्लान्टनिफ्राय बिष गोनां गेस मिटाइल आइस' साइनाइटआ लिक जादोंमोन। माखासे समनि गेजेरावनो बे गिखंथाव गेस लिक जानायजों सा 3,787 सुबुंफोरनि जिउ गोमादोंमोन। नाथाय बे अन्जिमाया सरकारनिफ्राय मिबथिहोनाय अन्जिमामोन। सुप्रिम कर्टआव दिन्थिनाय रिपटनि बायदिव्ला भपालनि बे जाब्रबथाइयाव सा 15,724 नि बांसिन सुबुंफोरनि जिउ गोमादोंमोन। बे जाथाया दिनै 40 बोसोर आबुं जाबाय आरो आमेरिकान संसदआव बेनि लोब्यायाव मोनसे बिथांखि पास खालामनाय जादों। बेनि गेजेरजों 3 डिसेम्बरखौ आमेरिकायाव माहारियारि रासायनिक खैफोद सांग्रांथि सान महरै फोसावना होनायनि बिथांखि लाबोनाय



जादों। बे बिथांखिखौ मार्केले रन बाइडेन आरो पिटर वेल्सआ दिन्थिदों। बिथांखियाव दभ इंक आरो इउनियन कार्बाइडखौ दायनिगिरि होन्ना गनायथिदों आरो भुगिनांनयफोरनो अन्सुंथाइ होनांगोनि दाबि खालामदों। बिथांखियाव बुंनय जादोंदि, भारतनि भपाल सहराव 3 डिसेम्बर 1984 आव इउनियन कार्बाइडनि मोनसे एम्फौ बुथास्रा मुलि फेक्टरीनिफ्राय बिष गोनां मिटाइल आइस' साइनाइट गेसआ लिक जादोंमोन। बे जाथायाव 72 घन्टानि गेजेरावनो सा 8 रोजा सुबुंफोरनि जिउ गोमादोंमोन आरो 5 लाखनि बांसिन जोखोम जादोंमोन। बेयो मुलुगनि बयनिखुइबो देरसिन उद्यगयारि जाब्रबथाइमोन।

भपालनि बायदि खैफोदआ रांखांन्थि आरो भुगिनांनय सुबुंफोरनि सायाव गात्रि गोहोम खोख्लैयो। बे जाब्रबथाइयाव रेखा मोननाय सुबुंफोरनि गेजेराव थैनायनि हारआ बांसिन। फारसेथि 1,50,000 नि बांसिन रेखा मोननाय सुबुंफोर गोलाव समनि एबा गानो रोडै बेरामजों भुगिनानै दड। सा 5,00,000 सुबुंफोरा देहायारि आरो रांखांन्थियारि आंखालफोरजों मोगा-मोगि जानानै दड। बिथांखियाव सेन्ट डिएग इउनिभासिंटनि मोनसे साभैखौबो रायखादों, जेराव बुंनय जादोंदि, जायफोरा खैफोदनि समाव भपालआव दंमोन बिसोरव कन्सार आरो बेंगुर बेंगुरि जानायनि हारआ गोबांसिन। बेनि गोहोमआ जिउ खानायनि हाबा मावनाय आरो सोलों थाइ थाखोयावबो गोर्लेदों। सिगां फारसे बिथांखियाव बुंनयदोंदि, भारत सरकार इउनियन कार्बाइट आरो बेनि बारा' गाहाइ हाबाफारि बिबानगिरि भरेन एन्डार्सननि सायाव थांखिनाय गैथै बुथारनायनि दाय जाबसिन्दों। बेयो आमेरिकानि आयेन बायदियै थांखि खालामना बुथारनायजों समान। बेबायदियाव एन्डार्सननि दायआ मोनसे निमाहा होथावै दाय मावनाय इउनियन कार्बाइटखौ बायना लानाय कम्पानि डभ इंकनि हेंथायै भारत सरकारनि खालायनायाव सम बायदियै थि थांखि आजवनायनि दाबि देखदों।

सिरियानि बिग्रायारिफोरा हम्म सहरखौ दखल खालामनो हाबाय

बेरुट, 8 डिसेम्बर: सिरियानि बिग्रायारिफोरा रबिबारखालि फु डाव मोनसे फोसावदिं खालामना बुंदोदि, गावसोर मख 'जाथाव सहर हम्मसखौ आबुडै गावसिनि बेंखनआव लानो हाबाय। फारसेथिं बिग्रायारिफोरा डमिस्क सहरखौबो नोजोर होगासिनो दं। बिग्रायारिफोरा राजथावनि डमिस्क फारसे आवगायबोनायाव हादतगिरि बसर अल-असडनि 24 बोसोरनि खुंथाया खैफोदआव गोलेदो। खौरनि बायदिब्ला, सिरियानि राजथावनि डमिस्कनि मिरुआव गोखौ गुलि गावनाय सोदोब खोनानो मोन्दो। इस्लामि हान्जा हयात तहरि अल-साम (एडचिटिएस) नि बिग्रायारिफोरा रबिबारखालि सोलोखान्थियारि महरै हम्म सहरखौ आबु दखल खालामनो हाबाय होन्ना दाबि दैखांदो।



बेखौ बिसोरो सिरियाआव गावसिनि मोनसे मख 'जाथाव देरहासारनाय होन्नाबो बुंदो। हम्म सहरनिफ्राय सांश्रि हान्जाया जानगारनायनि उनाव रोजा रोजा बैयावनि थागिबिफोरा लामायाव ओंखारना रंजाखांदो आरो असडआ थांबाय। हम्मसा उदांस्त्रि जाबाय होन्ना स्ल 'गान होदो। बेनि अनगायै खायसे सुबुंफोरा सिरियाआ गोबाव

समसिम थानानै थाथो आरो बसर अल-असड मुर्दाबाद होन्नाबो स्ल 'गान होदो। बिग्रायारिफोरा गावसिनि देरहासारनायनि रंजाथाइ फालिनानै गोबां खेब बाराव गुलि गावयो आरो लाइमोनफोरा सिरियानि हादतगिरिनि सावस्त्रिखौ बिसियो। फारसेथिं गाहाइ बिग्रायारि दैदेनगिरि हयात

तहरि अल-सामनि कामान्दार आबुमहम्मद अल गलानिआ हम्मसआव दखल खालामनो हानायखौ मोनसे जांरिमनारि होन्ना बुंथियो आरो गावखौ गथायग्रा सुबुंफोरखौ ख 'हा खालामनो नाडा होन्नाबो गावसिनि बिग्रायारि सोद्रोमाफोरखौ खावलयो। हम्मसआव सरकार गावखानायजो बिग्रायारिफोरा सिरियानि राजखान्थियारि मिरु आरो मोनसे

गाहाइ राजा-लामायाव गावसिनि सामलायथायखौ लाबोनो हायो, जायजो डमिस्क 'आ बै बो रिमा ओन्सोलनिफ्राय गावस्रायो जाय असडनि अलाबाइट समप्रदायनि न' जानानै दं आरो जेराव बिनि रासियान हेफाजाबगिरिफोरनि दै सांश्रियारि मिरु आरो उरं जाहाज गाथोन दं। बिग्रायारिफोरा हम्म सहरखौ बेखनआव लानो हानाया 13 बोसोर गोजाम दावहायाव बिग्रायारि सोमावसारनायनि गोखौ फेफिन्नायनि मोनसे मख 'जाथाव नेसोन होन्नाबो बुंजायो। गोबां बोसोर सिगां बिग्रायारि आरो सांश्रि हान्जानि गेजेराव गोखौ दावहा जानायाव हम्म सहरा गोबां ख 'हा जादोमोन। बै समाव बिग्रायारिफोरा सहरनि जोबथेसालिनिफ्राय रोजा रोजा खैदिफोरखौ उदां खालामदोमोन।

एनआइएआ मिज 'रामआव हाथियार सिमाग्लिनि केसआव सा 3 सुबुंफोरखौ हमदो

गोदान दिल्ली, 8 डिसेम्बर: एनआइएआ सिमनाआव हाथियार सिमाग्लि खालामनाय केसआव मिज 'रामनि सा 3 सुबुंफोरखौ हमदो। दायनिगिरि लालारिनसुंगा वनलालदेलबा आरो लालमुवानफु याखौ मिज 'रामआव मोन 6 जायगाफोराव सिग्रोमनायनि उनाव हमदो। बिसोर हमजानाय सा 3 सुबुंफोरनि सोमोन्दोआ सिगाडावनो हमजानाय दायनिगिरिफोरजो दड होन्ना मिथिनो मोन्दो। बिसोर साथामबो बमा बेरफुनाय, हाथियार आरो गुलि बारुद सिमाग्लि नेटवर्कआव सांग्राडै हाबा मावदोमोन। एनआइएआ मिज 'रामनि माम्मोट सेरसिफ आरो आइजल जिल्लाफोराव सिग्रोमदो, जेराव गोबां बिबांनि गुलि-बमा हाथियार बानायग्रा जोन्थोर आरो डिजिटेल



डिभाइसिनि अनगायै सन्देह 'गोनां मुवाफोरखौ जब्द' खालामनो मोन्दो। एनआइएआ 2023 नि 26 डिसेम्बरआव गोदान दिल्लीयाव आइपिसि, इउएपिए एक्ट, बेफुग्रा मुवा एक्ट 1908 आरो वेपन एक्टनि लोब्बा गोनां सेक्सनि गेजेरजो केस थिसन्दोमोन। एनआइएआ बे केसखौ सुलुंनि खौरनि सायाव बिथा खालामनो जागायदोमोन, जाय मिज 'रामाव थानाय माखासे फसंथानफोरा आइन बेरेखा फालांगियाव लोब्बा थानाय आरो

हादतनि सा-सान्जा ओन्सोलाव हाथियार, गुलि-बारुद, बमा बायदिनि सिमाग्लिआव थाफानाय मोनसे हान्जाया बेखौ सामलायदोमोन। एनआइएआ मिज 'राम आरो सा-सान्जा भारतनि गुबुन राइज्योफोराव हाथियारफोरनि सिमाग्लि खालामनायनि आन्दोआव थानाय सुबुंफोरखौ संदानो थाखाय नायबिजिरनाय जाबाय। फारसेथिं मणिपुरनि थौबल जिल्लायाव रैखाथि हान्जाफोरा हाथियार आरो गुदि-बारुद बोखांनो मोनो।

ब्रिक्स कारेन्सिनि सायाव मन्थ्रि जयशंकरआ रोखा खालामदो



होन्ना जेब्लायबो बुंनो हायो। आथिखालाव ब्रिक्स रांखाथि लाबोनयनि जेबो बिथांखि गैया। आमेरिकाया भारतनि बयनिखुइबो देरसिनि फालांगियारि लोगो हादत। रासिया-इउक्रेन दावहायाव भारतनि बिफावनि बागै सौंथि सौंनायाव मन्थ्रि जयशंकरआ बुजेदि, दावहाखौ सोलिहोबाय थानायनि फारसेनिफ्राय डिग्रायनानै सावरायना गोजोने दावहाखौ फोजोबनाय फारसेथिं आवगायलांगिसिनो दड। भारतआ मस्कआव थाना हादतगिरि भ्लाडिमिर पुटिनजो सावरायनानै क्विभआव थानानै हादतगिरि जेलेनस्किजो सावरायना सांग्राडै बिसोरनि बाश्राफोरखौ फोस्माथिलायनो नाजादो आरो थि रोखोमनि रहा लानो नाजादो होन्नाबो बिथाड बुजे।

गोदान दिल्ली, 8 डिसेम्बर: वफक बर्डनि केसआव हादतनि खूष्टान एमपिफोरा मुस्लिमफोरखौ हेफाजाव होनायनि थांखि लादो। खूष्टान एमपिफोरा केटलिक बिसप्स कन्फ्रेन्स अफ इन्डिया (सिबिसिआइ) नि जथुम्मायाव बुंदोदि, खूष्टान समाजआ वफक एमएलएनि सायाव थांखि गोनां महरै गावसिनि थांखिफोरखौ आजावनांगोन। मानोना बेयो संबिजिरआव एसेल' सुबुं अन्जिमा थानाय हारिफोरनि मोन्थाइफोरखौ गोहोम खोख्लैयो। मख 'जाथावदि, भारतआव केटलिकफोरनि जौसिन फसंथान सिबिसिआइआ थांनाय 3 डिसेम्बरआव गासैबो खूष्टान एमपिफोरनि जथुम्मा

वफक आयदायाव मुस्लिमफोरजो गसंफानायनि सायाव बेरेखा दोलोनि खूष्टान एमपिफोरा जथुम्मा खालामदो



खालामदोमोन। बे जथुम्मायाव सा 20 एमपिफोरा बाहागो लायो, जायफोरनि गेजेराव बांसिनानो बेरेखा दोलोनिमोन। जथुम्मायाव बाहागो लानाय एमपिफोरनि गेजेराव टिपिसिनि संसदयारि हान्जानि दैदेनगिरि डेक अ ब्रायन, कंग्रेसनि एमपि हिबि इडन, डिन कुरियाकच,

एन्ट एन्टी आरो माकपानि एमपि जानब्रितास 'आबो दंफायोमोन। उनाव मिरुनि राइज्यो मन्थ्रि जर्स कुरियानआबो जथुम्मायाव बाहागो लादो। गोबाव बोसोरनि उनाव खुंजानाय बे जथुम्माखौ सिबिसिआइनि आफादगिरि आर्कबिसप एन्ड्रयुसआ आफाद

सामलायदो। जथुम्मानि गाहाइ एजेन्दाफोराव हारि आरो बिसोरनि मोन्थाइफोरखौ हेफाजाव खालामनाय आरो रैखा खालामनायाव खूष्टान एमपिफोरनि बिफाव, एसेल' सुबुं अन्जिमा थानाय हारिनि सुबुंफोर, जर 'खायै खूष्टानफोरनि हँथायै बांबोनाय गाग्लोबनाय

आरो हुमखि होनाय, खूष्टान फसंथानफोरखौ थांखिनो थाखाय एफसिआरएखौ गात्रि रोखोमै बाहायनायाबो दंफायोमोन। सुलुंनि बायदिब्ला सासे गागि बेरेखा दोलोनि एमपिआ सुबुन होनाय बुंदोदि, हारिफोरनि दैदेनाय बिबानखौ पजिटिभ बिन्दुफोराव, आथिखालाव हारिया मावफुनाय मख 'जाथाव बिफावखौबो सोरांआव लाबोनांगो आरो नेगेटिभ खौरफोरनि सायाव जायखि जाया रोखोमनि बिबुंथि होनो नाडा। खूष्टान फसंथानफोराव साबैनि गेजेराव सा 3 फरायसायानो गुबुन गुबुन हारि एबा फोलेरनिफ्राय फैनाय होन्ना सरकार आरो नोगोरारिफोरनो मिबथिहोनांगो होन्नाबो जथुम्मायाव बोसोन होनाय जादो।

बांलादेशआव इस्कननि गं 2 मन्दिरआव अरसावदो

गोदान दिल्ली, 8 डिसेम्बर: बांलादेशआव इस्कननि गं 2 मन्दिरआव उतखारिफोरा अर सावदो। इस्कन कलकाटानि लेडाइ आफादगिरि राधारमण दासआ एक्सआव बेनि खौरं होनाय बुंदोदि, शनिवारनि अखानायसि 3.00 रिंगायाव उतखारिफोरा ढाका जिल्लानि धौर गामिआव थानाय श्री श्री राधा कृष्ण नामहट्ट सेन्टारनि बेंखनआव गोर्लैयो। राधारमणआ फोरमायदोदि अर सावनायाव पेट्रल एबा गुबुन खामग्रा मुवाखौ बाहायदो। मन्दिरआव दोन्नाय देबि-देवताफोरनि मुसुखा आरो गुबुन मुवाफोरा बेयाव खामनानै सेवहांगार जादो। इस्कननि बादिब्ला, बांलादेशआव 100



नि बांसिन धोरोरारि मिरु दड, जायनि सा 4 सन्यासि एबा पुजारिफोरखौ हमबाय। बिजेपिआ बांलादेशआव हिन्दु मन्दिरफोराव अर सावना होनाय जाथायखौ सौंखारिदो। सोनाब बंग बिजेपिनि आफादगिरि आरो

मिरुनि मन्थ्रि सुकान्त मजुमदारआ इस्कननि नामहट्ट सेन्टारआव अर सावनायखौ गोखौ रावजो सौंखारियो, जाय गुगैथाव खामानि। दायनिगिरिफोरखौ न्यायनि कठछरआव लाबोनो आरो धोरोरारि इसेल' सुबुं अन्जिमानि सुबुंफोरखौ रैखाथि होनो इमार्जेन्सि नायबिजिरनांगो होन्नाबो बिथाडा बुजे। सोनाब बंग बिधान सभायाव बेरेखा दैदेनगिरि सुभेन्दु अधिकारिआ बुंदोदि, बांलादेशआव हिन्दुफोरनि सायाव सोलिगासिनो थानाय गाग्लोबनायखौ मुलुगनि फोलेरआ अजद होनांगो। मन्दिरफोराव गाग्लोबनायखौ थाबैनो होबथानांगो। जेब्लासिम बिब्दि गाग्लोबनाया जोबनानै थाडा अब्लासिम जौनि

सोमावसारनाया सोलिबाय थागोन होन्नाबैबो अधिकारिआ बुंदो। आमेरिकानि एमपि राजा कृष्णमूर्तिआ इस्कननि बारा' सोद्रोमा चिन्मय कृष्ण दासखौ हमनायनि उनाव बांलादेशआव बावैसो सिगां जानाय दिदोम गैयै थासांरिखौ लानानै जिंगा फोरमायदो। बिथाडा बांलादेश सरकारनिसिम सुबुंमोन्थायफोरखौ लाखिलानो, रैखाथिनि गेरेन्टि होनो आरो हिन्दुफोरखौ थांखिनानै खालामनाय हिंसायारि जाथायफोरखौ होबथानो खावलायदो। बे समावनो गोबां भारतयारि आमेरिकाफोरा बांलादेशआव हिन्दुफोरनि सायाव अनागार खालामनायफोरनि बेरेखा बाश्रा दैखांनो थाखाय फेगौ साननैआव वाशिंटन आरो शिकागआव रेली खालामनायनि हाबाफरि लादो।

पाकिस्तानआव सा 22 उतखारिफोरखौ जिउ फोजोबदो आरो सा 6 जवानफोरा मुंख्लं जादो

पेशावर, 8 डिसेम्बर: पाकिस्ताननि खैबर पख्तुनख्खा राइज्योआव सान 2 आव मोन 3 गुबुन गुबुन अपारेसनआव बाडयैबो सा 22 उतखारिफोरखौ जिउ फोजोबनो हादो। बे अपारेसनआव सा 6 सांश्रिफोराबो जिउ गोमादो। इन्टार सांभिसेस पाब्लिक रिलेसन्स (आइएसपिआर) आ बुंदोदि, संगालि खौरनि बिथायाव खालामनाय अपारेसनआ खैबर पख्तुनख्खानि टेंक, सा बजिरिस्तान आरो थाल जिल्लायाव 6-7 डिसेम्बरसिम जादो। टेंक जिल्लायाव उतखारिफोर थानायनि खौरं मोन्नायै सांश्रिफोरा गुल इमाम ओन्सोलाव उतखारिफोरनि केम्पफोराव गोखोडै नायबिजिरो, जायनि बिजाउन महरै सा 3 उतखारिफोरखौ जिउ फोजोबनो हायो। नाथाय बे अपारेसनआव सा 6 जवानफोरा जोखोम जायो। बेराफासै सा बजिरिस्तानआवबो खमैबो सा 10 उतखारिफोरखौ



जिउ फोजोबनो हायो। गुबुन मोनसेबाव गुलि गावज्जलानायाव आइएसपिआरनि बादिब्ला, रैखाथि हान्जाफोरा थाल जिल्लायाव मोनसे चेक पस्टआव उतखारिफोरनि गाग्लोबनो नाजानायखौ सांश्रिफोरा फेलें खालामो, जेराव सा 3 उतखारिफोरनि जिउ फोजोबनो हायो। अदेबानि गोखौ गुलि गावलायनायाव सा 6 सांश्रि जवानफोराबो जिउ गोमायो। आइएसपिआरआ बुंदोदि, बे ओन्सोलाव उतखारिफोरखौ फोजोबसंनानयनि अपारेसन जागायदो। राइज्योनि गिबि मन्थ्रि अलि आमिन गन्डापुआ सा 3 मुंख्लं जानाय जवानफोरनो बिबार बाडयो आरो बिसोरनि नख 'फोरनि फासै गोथौ दुखु फोरमायो। सुलुंनि बादिब्ला, 2024 नि 3 खि थाम दान एबा जुलाइ-सेप्टेम्बरआव उतखारिफोरनि हिंसा आरो उतखारि बेरेखा अपारेसनफोराव थैनायफोरखौ बांसिन नुनो मोन्दो, जेराव हिंसाया 90 जौखोन्दो बांदो होन्नाबैबो बुंदो। बै समाव गासै 328 जथायफोराव नोगोरारिफोर, रैखाथि मावफारियाफोर आरो दायनिगिरिफोरजो लोगोसे गासै 722 सुबुंफोर जिउ गोमादो आरो सा 615 जोखोम जादो। बिसोरनि गेजेराव 97 जौखोन्दो थैनाया मेपि आरो बलुचिस्तानआव जादोमोन।

Admission Notice

Admissions are open for free Residential General Duty Assistant (Nursing) course for the people of BTR only. The details are: Course duration: 6 months. Minimum Qualification: HSLC Passed Documents required: Passport Photo, PAN Card, AADHAAR Card, Highest Qualification Certificate Facilities: 1. 100% placement opportunity 2. Free training 3. Free Food & Accommodation 4. Government recognized certification Seat Capacity: Udalguri-78, Baksa- 78, Tamulpur-78, Chirang-78 and Kokrajhar-78 Training Center Location: Udalguri & Kokrajhar Age group: 18-30 years Interested candidates can send their documents for the admission procedure at admission_official2023@gmail.com or WhatsApp @9859887151 Last date: 15/12/2024

Sd/-

Director of Health Services
BTC, Kokrajhar

गोदानै मुंथिसन्याय

नाचि-जिएनएम-बिएससि-फार्म डि/बि कर्च गौरिसेभापीठ गुवाहाटी।
मबाइल नम्बर: 7086631497/8240279759/8638217288।

Admission Notice

Admissions are open for free Residential General Duty Assistant (Nursing) course for the people of BTR only. The details are: Course duration: 6 months. Minimum Qualification: HSLC Passed Documents required: Passport Photo, PAN Card, AADHAAR Card, Highest Qualification Certificate Facilities: 1. 100% placement opportunity 2. Free training 3. Free Food & Accommodation 4. Government recognized certification Seat Capacity: Udalguri-78, Baksa- 78, Tamulpur-78, Chirang-78 and Kokrajhar-78 Training Center Location: Udalguri & Kokrajhar Age group: 18-30 years Interested candidates can send their documents for the admission procedure at admission_official2023@gmail.com or WhatsApp @9859887151 Last date: 15/12/2024

Sd/-
Director of Health Services
BTC, Kokrajhar

गल नाथाय बल नडा, गथ 'फोरा बिनि लान्जाय हमनानै गेलेयो, बेनि सोंथिनि फिन्नायखौ मिबथियो ना ?

जों सरासन्ना जिउ खानायाव माखासे थासारिखौ नुनो मोनो, खोनायो आरो बाहायो। सरासन्ना महरें जों माखासे थासारिखौ नोजोर होनो हायादि, बेयो मानो बेबादि जादों। सम सम सुबुंफोरा फिसा-गिदिर सरासन्ना बाथ्राखौ सावराय लायो। नाथाय बेजों सोमोन्दो थानाय सरासन्ना गियाननि सोमोन्दै बिसोरो मिबथिनो मोना। इन्टरनेट आरो ससियेल मिडियानि मुगायाव गथ'फोरा जेनेरेल नलेज आरो जेनेरेल अवरनेजनि सोमोन्दै फिसा फिसौ क्लासनिफ्राय मिबथिनो मोनो। माखासे फिसा-फिसौ सोंथिनि फिन्नायखौ गथ'फोरा होनो हायो। नाथाय हुदा गैयैनि जाहोनाव गिदिरफोरा बिब्दि फिसा-फिसौ सोंथिनि फिनखौनो होनो हाया। माखासे सोंथिफोरा जादों : (1)



बिजिनि गोजूआव बिजि दं आरो घडियाव जेसेबां टाइम जानो नागिरदों, बेवहाय बेसेबांसिम मिनिट आद्रा दं। फोरमायनाय बेसमाव घडिआव बेसेबां सम जादों। फिन्नाय : घडिनि समा 9 रिगा 50 मिनिट जादों, जेराव 10 रिगा जानो 10 मिनिट आद्रा दंवावयो। (2) सासे आइजोखौ नायनानै सासे हौवाआ बुंदों ,बिनि

बिमा-बिफाआ आनि बिहाव बिखुनजो, अब्ला बि आइजोआ बै हौवानि मा जायो ? फिन्नाय : आइजोआ बि हौवानि फिसाजो। (3) भारतनि मावे दरनै राइज्योफोरनि गेजेराव बावयैसो समाव सिमनानि जेंना सोमजिनायाव पुलिसनि जवानआ थैदों आरो माखासे सुबुंफोरा जोखोम जादों। फिन्नाय : आसाम आरो

मिज'राम। (4) बे अफ बांगालआ माबे स्टेटआव दं। फिन्नाय : बे अफ बांगालआ लिक्विड स्टेटआव दं, जाय स्टेट नडा मोनसे लैथोसो, जायखौ बंगप लैथो मुडैबो मिबथिनाय जायो। (5) गल नाथाय बल नडा, बेनि लान्जायखौ हमनानै गथ'फोरा गेलेयो, फोरमाय बेयो मा ?फिन्नाय : बेलुन।

भारतआवल 'दड' 12 बोसोरनि उनाव खनसेल 'बारग्रा निलकुरिनजी बिबार



सुलुंनि बादिब्ला निलकुरिनजी फुलआ गोबां आगोमा आरो बेयो 12 बोसोरनि उनाव खनसेल'बारो। निलकुरिनजीआ फांसे मनकार्पिक बिफां, जाय बिबार बारखानायनि उनाव बिबारा थाबैनो रानलाडे आरो बे बिबारा फिन बारफिननो थाखाय 12 बोसोर सम नाडे निलकुरिनजी

फुलआ भारतआवल' बारौ। निलकुरिनजी फुलआ सरासन्ना महरें केरेलानि अनगायै त। मि ल न। डु. आ व बो आगस्ट निफ्राय लानानै अक्ट बरसिम बारो। निलकुरिनजी फुलआ भारतआ मोनसे गोनांथिबो दं। केरेलाआव मुथुवन जानजातिनि सुबुंफोरा बे फुलखौ रमान्टिक आरो मोजां

मोन्नायनि नेसॉन मानियो। गोदो-गोदायनि सल' बाथानि बादिब्ला, बे जनजातिनि भगवान मुरुगाआ मैहुरारी आइजो बेलिखौ निलकुरिनजी बिबारनि मालाखौ गोनहोनानै जुलि लादोमोन। बे रोखोमा सोनाय घाटनि पलियान जनजातिनि सुबुंफोरा बैसोनि हिसाबखौ बे बिबार बारनायजों

लायो। निलकुरिनजी फुलनि थाखाय कुरिनजीमाला मुनि सरैखाथि मोनसेल' एबा सेंक्युआरीबो दं, जाय मुनचारनिफ्राय 45 कि:मि: गोजान। 2006 आव केरेलानि हाग्रा बारिनि 32 बर्ग कि:मि: ओन्सोलखौ बे फुलखौ सरैखाथि खालामनो थाखाय रैखाथियै लाखिनाय जादोंमोन। बेखौ कुरिनजीमलाव सेंक्युआरी मुंबो होनाय जादों निलकुरिनजी फुलखौ केरेलानि गोजोननि नेसॉनबो मानिनानै लानाय जायो। मानोना बे बिबारा बारनायजों राइज्योनि टुरिज्मआ गोबां मुलाम्फा मोनो आरो नायनो थाखाय सुबुंफोरा लाख लाख रंखौ खरसा खालामो। नाथाय आथिखालाव करना भाइरास इनफेक्सननि जाहोनाव केरेलायाव दावबायारिफोरखौ होबथानाय जादों।

सिन्दुर

बिमा बर' हारिनि सिन्दुर हिनजाव माहारिनि गोमा लांदोमोन बर' बिमा आलाइ सिलाइ जाबायमोन। सिनाया जाबायमोन बिदा फंबाय सारअन्थाय बेरदोमोन बर' गामियाव श्राव-श्राव गुम-गुम, ग्राम-ग्राम हुम-हुम, हाम-हाम हादोमोन अखा दामब्रा बोहैलांदोमोन गोजा थैनि बाना। लोगो लोगो मोदेनि अखा हानाने सुसा लांबाय हिन्जाव माहारिनि खाफालनि गोजा सिन्दुरखौ गोमा लांनाबाय मोदोमजों थाफानाय गहेना। गोमालांबाय गोबां बिदा-फंबायनि सह', बुरैनांबाय गोबां बर' आइजो रान्दि जानांबाय गोबां आयजो। आश्रम खुलिदों आसामाव बर' हिजावफोरनि दुखुखौ नुनानै मुडा बिनि सुवालकुसी नाथाइ बिगुमाया सोर बिनि ? हे आइ बर' बिमा/अनसाइ हरदों आइजोफोरखौ थिनहरदों सिन्दुर फुननो। मोनबाय बर'आ दखरसे बि टि सि गाइसनदो बर' आश्रम मुं होनो बि टि सि आश्रम ॥

मुश्री गलक बसुमतारी
गामि- सनत्तला
ला:सो:- जारकना
जिला- बागसा बि टि सि आसाम।

हांगार

हाबिलासनि गुसेब सिमा जायनि गोसोयाव दड नंगो बेनो सुबुं। धोरोमनि मुं लानानै संसार सिफायग्रा बेसोरनो गोसोम हांगार। गावसा गावसि हनै सुबुंनि धोरोम गुबुले जाबाय गावनिनो गोरोन्थियाव करान बाइबेल उपनिषद सोरनि सायाव होखारनो दाइ ? इनायनि बेंथा-बेंथि हम्पिकावनाय सिथारनाय उदां अखाडव गोसो हांगारनि उखुन्दै गोसाव मोनामदों सुबुंनिनो खामफ्रामनाय आगोमा सोलेर, गोसोम हांगारनि गोहोजों बिरबायनाय अखांनि फेरेंगाया मिनिहरदों गां बुब्राबनानै सुबुंनि धोरोम गुबुले लैथोखौ मानोना सुबुड दिनैहाय मिथिगाजों मुगैजानाय जिब।

श्री मोकथां बसुमतारी बि ए
गामि- सा-देवलगुरि

रंजालि गथ'फोरनि सौरा

जिनिर

थारैनो.....
गोजां बोथोरनि गोजानायजों थनश्र' नानाय बालाबगासे जिउजों। खमबल जेकेतनि जुमनायजों, मुजा जुथानि गानफबनायजों। खैसिं गोखडै मोनामलाय, दुगैनाय गैयै देहायाव सिखिरि मुनुसनि नायखंखे नायनाया, दायना मोखांनि खामगलाबनाया बेनि मोखां बैनि मोखां, थै जागा महरा नुजाथियो बयनिबो मोखाडव। आरोबावसो.....
गोजां बोथोरनि गोजानायजों दिंखिया बारियाव एरसोना खिनाया खिथु सुयैनि जाहोनाव बोरेबा.....
खिफिदै, खि बोरायहां मोनामलाय लाडे खिथुवा। दुगैनाय गैयै, सुनाय गैयै मोनामलाय लाडे खैसिं गोखडै गोफा।
खालि नेसेल' गोलोम बोथोर।

दैथुन बसुमतारी
खामारदैसा गोजू फरायसालि,
बाक्सा

फोरमाय जायै गोबोर्नि राव

माबोरै फोरमायनो आं गोबोर् इंसिनि बाथ्रा...
माबोरै बुजायनो आं आदि नोंखौ मोजां मोनो, गोबोर्आव नॉनिल' महरखौ साजायनानै हारसिंडेनो गोबोर्खौ आं रमान्टिकल' जाहोसै....

नोंखौ लाना सुचुखोमानाय सिमांखौ गोबोर्आवनो फिसियो...
नॉनि मिनिस्तुनायाव सोमजिनाय नोंखौ मोजां मोत्राय गोबोर्नि रावफोरा आनि गोबोर्आवनो थाबाय नोंखौ मोजां मोत्रायनि रेगाल' जानानै

नोंखौ खाथियाव नुयोब्लाथ' बुंनो-बुंनो सानो...
नाथाय, गोबोर्आ गिखाडे नोंबा आंखौ मा बुंगोन.. ?
नॉनि महरखौ नुयोब्लानो गोबोर्आ गिखाडे...
नोंखौ मोजां मोत्राय फोरमाय जायै गोबोर्नि रावफोरा गोबोर्आवनो थाफिनो ॥

आलेरा बर'
सा-दे खिया जुलि,
सनितपुर

गोमानाय हारिमु

जोंनि हारिमुया गोदो गोबां दावगामोन। नाथाय दा जोंनि हारिमुया गोमा लांबाय। रोजा रोजा धोनि सुबुंनि नेवसिनायाव रोजा बर' आयजोफोरा गावनि हारिमुखौ नागारनानै गुबुननि हारिमुखौ लाबाय। दिनै बर' सुबुंआ हारिनि सोल्लोथायखौ नेवसिना गुबुन हारिनि सोल्लोथाय लाबाय। बर' बिमानि रावआ बेसेन गैया नामा ? गोदो बर' जोहोलावफोरा हारिनि थाखायनो जिब गोमानांदोमोन। नाथाय दा बेनि बेसेनखौ रावबो मोनथिआखै। जाय सुबुंआ दिनै बर' हारिमुखौ सिबिनो रोड बेयो हारिनि सुथुर।

सनजय बसुमतारी
गामि- जोंमाफुरि
ला:सो:- रनसायधाम
जिला- चिरां ।

टेट्राकटिस खन्थाइ

जिउ थानाय बिलिसिम बावनो हाया सानसेयारि बड'सा रादाबखौ नों खन्थाइ रेबनानै नॉनि जिउआव रंजानाय गोजोन्नाय लानो हायो

नों रेबनाय खन्थाइया माबा मोनसे रादाब बिलायो फरायगिरिमोनो

नों दुखु दाहाजों बिलिर जायै सुबुं नालाय बहा गुमुर मोननो

नों नॉनि बोहैथि जिउ लामायाव दुखु माला बिलिरगोन थर मोना

नों सानसे दुखुजों बिलिर जाबा नोंबो जागोन लैथोमासे दाहा

नों अराय साननाड मालायाव गोरबोखौ बाइलुं सानसि होननानै

नों दुखु दाहाजों बिलिर जाबा खन्थाइ मेथाइ रेबनो अराय नाजा

नों बिदि सोरजिना नॉनि जिउआव लैथोमासे गोजोननायबो मोनगोन

-रैदोम बर', बाक्सा

राहा गोथे जादों

दानि जुजिलायनायफोरा माबा मोनसे जागासिनो दं एबा राहा गोथे जादों

गाहामनि थाखाय मावनो थानायाव खायफाया मुलाम्फा जायो आरो राहा गोथेबो जायो।

सबिराम बर'
राबां, बाक्सा

अन्नायनि फाख'नाव

अन्नायनि बैथाजों मोजां मोन्नायनि दिडखौ जावदोमोन आं नोंखौ लानानै गोबोर्आव रोजासे मिजिं लानानै। लैथो रगुडव जारौ साननि रिफिनाय दावब' फालो अखरां सायाव, हाब्रां सेर सेर दावमा-दावसानि मेथाइ बेसे गोजोन्थावमोन। नाथाय हालिया आं सौहैनो थांखि याव मेगन गोसा बारहुंखानि सिमब्रेनायजों थलं-थफं गुथालाव गेलेनांबाय। जैरेबो नायहरो नुसया रगुं थानो बोरै फैफिनो बोरै हारिया जावनो बैथायानो बायफलेबाय। मिथिलिया आं रानथे लिया दाहानि मोदेया नों मिनिदों ना गाबदों।

अमर नाजरी
गामि-पासालाबारि
ला:सो:- बतानापाव
जिल्ला- सिरां, बिटिसि (आसाम)

दरं-उदालगुरि जिल्ला ब्राह्मन आफादनि अखं दालाइनि स 'नाथि माइथाय फालिदों

कलाइगाव, 8 डिसेम्बर: उदालगुरि जिल्लानि टंलानि स्तनपुरआव दिने दरं-उदालगुरि जिल्ला ब्राह्मन आफादनि अखंनि मोन 30 दालाइफोरनि बाहागो लानायाव स 'नाथि माइथाय फालिनाय जायो। अखंनि मोन 30 दालाइ आफादफोरा बाहागो लानाय बे स 'नाथि माइथाय फालिथायनि गेवलां मेलाव बिटिसिनि गाहाइ मावफुं सोद्रोमा प्रमद बर'आ गाहाइ आलासि महरै बाहागो लानानै बिबुंथि होयो। मख 'नो गोनांदि, ब्राह्मन दालाइनि सिबियारि-भक्त आरो फुजारिफोरा संख, थाल दामनानै बिटिसिनि गाहाइ मावफुं सोद्रोमा प्रमद बर'खौ श्रीश्री बिष्णु मन्दिरसिम बरायनानै लाडे। ब मन्दिराव फुजिखानायनि उनाव प्रमद बर'आ बुडोदि, समाव आरोबाव 10 लाख रं



ब्राह्मनफोरा जोंनि थाखाय फुजिजाथाव। ब्राह्मनफोरनि गोबां जेनाफोर दं आरो बे जेनाफोरखौ सुखानो थाखाय जेसेबां हायो नाजागोन होनानै प्रमद बर'आ बुडे। मख 'नो गोनांदि प्रमद बर'आ दिने श्रीश्री बिष्णु मन्दिर लुनो थाखाय 10 लाख रं होयो। लोगोसे फैगो समाव आरोबाव 10 लाख रं

होबावगोन होनानै बिथाडा फोसावनानै होयो। प्रमद बर'जों लोगोसे भेरगाव जिल्ला इउपिपिएलनि गासैबो बिबानगिरि-मावथिफोर बाहागो लानाय गेवलां मेलौ आफादगिरिनि मासि लानानै दैदेनो दरं-उदालगुरि जिल्ला ब्राह्मन आफादनि आफादगिरि अनन्त नायन भक्ताचार्यआ।

आजिरा मोन्नाय खौरांगिरि पेन्चनार आफादआ खौरांगिरि मेल खुंदों

घग्रापार, 8 डिसेम्बर: आसाम आजिरा मोन्नाय खौरांगिरि पेन्चनार आफादनि बान्जायनायाव गुवाहाटी प्रेस क्लाबयाव दिने मोनसे खौरांगिरि मेल खुनाय जादों। बे खौरांगिरि मेलखौ आसाम आजिरा मोन्नाय खौरांगिरि पेन्चनार आफाद (आसाम रिटियार जार्नालिस्ट पेन्चनार एससियेसन) नि आफादगिरि आजुदिन आहमेदआ सामलायदों। खौरांगिरि मेलयाव आजिरा मोन्नाय खौरांगिरिफोरनि बायदि आयदाफोरखौ मख 'नाय जादों। आसाम सरकारनि सुबुं फोनांजाब बिफानआ थांनाय 2017 माइथायनिफ्राय 60 बोसोर बैसोनि साफ्रोमबो आजिरा लानाय खौरांगिरिफोरनो पेन्चन होनानै फैदों। नाथाय पेन्चननि दान-बास्था थोजासे नड। बेनि थाखायनो दानसेयाव 25 रोजा रंसिम बांहोनायजों लोगोसेनो रंसारि जालानाय



खौरांगिरि नख 'रनो पेन्चन होनायजों लोगोसे साफ्रोमबो खौरांगिरिनो आसाम सरकारआ 1 कटा सरकारि हा-हु

गथायनाय, आजिरा लानाय खौरांगिरिनि फिसाफोरनो साखि मोन्नांगोनि खाबु होनाय, जिउ बीमानि खाबु होनायजों

लोगोसेनो हान्था-मेल खालामब्ला रं-रुपानि बिबांखौ बाडइ खालामनायनि बागै गासै मोन 9 दाबिफोरखौ लानानै

आसामनि रङ्ग्यो बेंगिरि आरो गिबि मन्थिनिसिम गोसोखालाइ दैथायहरनाय जादों होनानै खौरांगिरि मेलयाव फोरमायो। दिनेनि आजिरा लानाय खौरांगिरिफोरनि बे मेलयाव आसाम रिटियार जार्नालिस्ट पेन्चनार एससियेसननि बोसोनगिरि ङ् बिनय रन्जन शर्मा, नूपेन बर्मा, आफादनि नेहाथारि कैलाश चौधुरी आरो आनान्द रामसियारिमोनाहा बाहागो लाफैदोंमो।

उदालगुरियाव पलिअ साब-नेसनेल टिका थुनाय सान बेखेवदों

उदालगुरि, 8 डिसेम्बर: राइज्योनि गुबुन गुबुन जायगाजों लोगोसे उदालगुरि जिल्लाययावबो दिनेनिफ्राय साब-नेसनेल पाल्स पलिअ टिका थुनाय हाबाफारिया जागायजेनो। दिने उदालगुरिनि खोन्दो गुदि देहा मिरुयाव खुंनय मोनसे हाबाफारिनि गेजेरजों बे हाबाफारिखौ बेखेवनानै होयो जिल्ला बेंगिरि पुलक पाटगिरिआ। बे हाबाफारियाव जथाय देहा बिथोनगिरि भुबनेस्वर स्वर्गियारी, जिल्ला टिका बिबानगिरि डा: गनेश ब्रह्म, माहारियारि देहा मावथांखिनि जिल्ला बिथांखि सामब्लायगिरि बासिल तप्पजों लोगोसे देहा बिफाननि बिबानगिरि, मावफारिया, गथ'सा आरो दिथागिरिफोरा बाहागो लायो। बे हाबाफारिनि समाव जोनोमनिफ्राय 5 बोसोर बैसोनि गासैबो गथ'सानो पाल्स पलिअ टिका होनाय जागोन। बे पाल्स पलिअ हाबाफारिनि गाहाइ थांखिया पलिअ बेरामखौ फोजोबसनायल' नड नाथाय पलिअ सोमजिहोग्रा भाइरासखौ मुलुगनिफ्रायनो आबुडै फोजोबसनाय। सबि-नेसनेल पाल्स पलिअ टिका होनाय हाबाफारिनि समाव उदालगुरि जिल्लाययाव गासै सा 106582 गथ'साफोरनो पाल्स पलिअ दौनाय जागोन। जिल्लाययाव



दिने गासै मोन 714 मिरुफोराव टिका थुनाय जायो। बास स्टेन्ड, अट' स्टेन्ड, रेलवे स्टेसन, अंगनबादि मिरु बायदिफोरावबो देहा

मावफारियाफोरा टिका थुनाय जागोन। लोगोसे जायफोर गथ'साया टिका थुनां मिरुसिम थांनो हायो बिसोरनो 9 आरो 10 डिसेम्बरआव न'-न'

थानानै पाल्स पलिअ दौनाय जागोन। बेनि सोमोन्दै देहा बिफाना राइजो-राजाफोरखौ मदद होनो थाखाय खावलायहरो।

इम्फालआव सा 4 आइजोफोरजों लोगोसे सा 13 फेग्रा मुवा लाग्राफोरखौ हमदों

इम्फाल, 8 डिसेम्बर: मनिपुरनि सान्जा इम्फाल जिल्लानि खेतगिराव आरो बेनि खाथि खालाययाव थांनाय 24 घन्टानि गेजेराव हेरइन पाउडरनि गं 28 ग्लास टेमा, सा 4 आइजोफोरजों लोगोसे फेग्रा मुवा लाग्रा सुबुंफोरखौहो हामो। खेतगिरा' मेइतेइ पांगाल इनाइटेड क्लाब (के एमपिइउसि)नि लेडाइ आफादगिरि आबुल रजकआ शनिबारआव इम्फाल सान्जाआव गावनि मावख 'निफ्राय प्रेसनो मिबति होदोंदि, बे सुबुंफोरखौ के एमपिइउसिनि निसा होवथाग्रा आफादआ सालायनाय मोनसे जर'खा अभियाननि

इम्फाल, 8 डिसेम्बर: मनिपुरनि सान्जा इम्फाल जिल्लानि खेतगिराव आरो बेनि खाथि खालाययाव थांनाय 24 घन्टानि गेजेराव हेरइन पाउडरनि गं 28 ग्लास टेमा, सा 4 आइजोफोरजों लोगोसे फेग्रा मुवा लाग्रा सुबुंफोरखौहो हामो। खेतगिरा' मेइतेइ पांगाल इनाइटेड क्लाब (के एमपिइउसि)नि लेडाइ आफादगिरि आबुल रजकआ शनिबारआव इम्फाल सान्जाआव गावनि मावख 'निफ्राय प्रेसनो मिबति होदोंदि, बे सुबुंफोरखौ के एमपिइउसिनि निसा होवथाग्रा आफादआ सालायनाय मोनसे जर'खा अभियाननि



समाव हमनो मोन्दों। हेरइन पाउडरजों लोगोसे सा 4 आइजो ड्रागस बाहायगिरिफोरनिफ्राय बोखानो मोन्दोंमोन। जायफोर बेखौ सानै आइजो ड्रागस स्माग्लार एवा फानगिरिनिफ्राय बायदोंमोन। ड्रागस स्माग्लारफोरखौ खेतगिराअनि थागिबि युमखेबम तइबिनि

फिसाजो युमाखौबम बेबे आरो युमखैब्रम अलबानी होना मिबथिमोनो। बोखानो मोन्नाय मुलिफोरखौ उनाव मिडियानि नुजाथिनायाव अर सावना सिलिंखार खालालमनाय जायो। हमनो मोन्नाय निसा लाग्राफोरखौ नायबिजिनयनि उनाव बिसोरनि नख'रनो गथायनाय जायो।

महिन्द्रआ इलेक्ट्रिक एसइउभि बिइ 6 इनि मुंखौ सोलायबाय

गोदान दिल्ली, 8 डिसेम्बर: बावैसो सिगां इन्डिआ'आ थांनाय नभेम्बर दानाव महिन्द्रनि लन्व खालामनाय इलेक्ट्रिक एसइउभि भिइ 6इ नि 6इ मुंखौ बाहायनायनि सायाव केस थिसन्दोंमोन। बेनि उनाव महिन्द्रआ इन्डिआ'आ दाबि दैखानायनि सायाव गावनि बाथाफोरखौ बुंथिदोंमोन। अदेबानि कम्पनीआ बे गोदान इलेक्ट्रिक एसइउभिनि मुंखौ सोलायनानै महिन्द्र बिइ6 दोनबाय। भारतयारि कार दिहुनग्रा कम्पनीआ मुं सोलायनायखौ लानानै बुंदोंदि,




बेयो इलेक्ट्रिक अरिजिन एसइउभि पर्ट फिलियनि मोनसे बाहागो महराव बिइ 6 इनि थाखाय क्लास 12 नि गेजेरजों ट्रेडमार्क रेंजिस्टेशननि थाखाय आर'ज गाबगोन। मार्क बिइ आ सिगांनिफ्रायनो क्लास 12 आव महिन्द्रजों लोगोसे रेंजिस्टार दं आरो बेयो बिइ 6इखौ रोखा खालामग्रा ब्रान्डनि इलेक्ट्रिक प्लेटफर्मखौ दैदेनो। इन्डिआ' एयारलाइन्सनि गाहाइ कम्पनी इन्टाररलब एभियेशन लिमिटेडआ बावैसो सिगां बिइ

टेगनि उनाव 6 इ मुंखौ बाहायनायनि सायाव महिन्द्रआ जिगा फोरमायदोंमोन। बेनि उनाव कार दिहुनग्रा कम्पनीआ गावसिनि साइनआ बिइ 6इ होनानै बुंदोंमोन। स्टेन्ड अलन 6इ आ मोनसे कट जाय इन्डिआ'नि फ्लाइटफोरनि थाखाय बाहाय जायो होनाबो रोखा खालामदों। महिन्द्रआ बिइ 6इनि मुंखौ सोलायना बिइ 6 खालामना होबाय। मुं सोलायनायजों लोगोसेनो कम्पनीनि फारसेनिफ्राय

बुडेदि, बिइ 6 इ ट्रेटमार्कखौ रैखाथयै लाखिनो थाखाय अजद होनायनि थाखाय इन्डिआ'नि सायाव हेंथा होनो हागौ। मख 'जाथावदि, बेयो महिन्द्रनि गिबि अल इलेक्ट्रिक कार, जायखौ गोदान इभि स्पेसेल बि इ उफ्रा ब्रान्डनि गेजेरजों जौगाखौ होनाय जादों। बेयाव डुयेल डिजिटल डिस्प्ले, डुयेल जन एसि आरो डुयेल बायालेस फन सार्जर बायदि सार्जरफोरफोरखौ मोन्नो हायो।

मोजां फिचार्स गोनां मोन 5 स्मार्ट फनखौ बाडाइ बेसेनाव मोन्जो हागोन

गोदान दिल्ली, 8 डिसेम्बर: बाडाइ एवा थि बेसेनाव स्मार्ट फन बायनाया आथिखालाव जोबोद गोब्राब। अदेबानि आथिखालाव गोबां रोखोमनि फन मोन्नाय जायो। नाथाय जेब्ला सुबुंफोरा गिदिर बेटारि, पावार फुल प्रसेसर आरो मोजां रोखोमनि केमेरा थानायखौ हास्थायनाय समाव थि बेसेनाव मबाइल फन बायनाया गोब्राब जायो। बेबायदि मोन 5 स्मार्ट फननि बागै मिथिहोनो लानाय जादों, जाय 15 रोजानि खमसिन बेसेनाव बाहायगिरिनि थाखाय भेलु फर मानि फोरमान होनो हागौ। गं 5 स्मार्ट फननि फारिलाइआव आइफिकउ, अप्य' आरो भिभ'जों लोगोसे माखासे कम्पनीफोरनि फनआ दंफायो। आइफिकउअ जेट 9 एक्स स्मार्ट फनआव 120 हाटर्स रिफ्रेस रेटखौ साफर्ट खालामग्रा 6.72 इन्सि डिस्प्ले होनाय जादों। बेयाव क्वालकननि स्नेपड्रागन 6 जेन प्रसेसर मोन्नो हायो, जाय सानफ्रोमबोनि टास्क खौ



गोरलैयैनो सामलायनो हायो। बेयाव 50 एमपिनि रियार केमेरा सेटआप होनाय जादों। सेल्फिनि थाखाय 8 एमपि सेन्सर मोन्नो हायो। पावार साफर्टनि थाखाय 44 वाट साजिजों लोगोसे 6000 एमएएइचनि बेटारि होनाय जादों, जायनि बेसेनखौ 14,099 रां होन्ना थि खालामना होदों। अप्य के 12 एक्स फनखौ 1000 निटसनि पिक् ब्राइटनेस आरो 120 हाटर्स रिफ्रेस रेट गोनां 6.67 इन्सिनि आइपिएस एलसिडि डिस्प्ले मोन्नो हायो। बेयाव

मिडिया टेक डामेन्सि 6300 प्रसेसर होनाय जादों। फनआव 32 एमपिनि डुयेल केमेरा सेटआप दड। फारसेथिं सेल्फिनि थाखाय 8 एमपिनि केमेरा मोन्नो हायो आरो बे फनखौबो 13 रोजा रंनि गेजेरावनो मोन्नो हागौ। भिभ टि3 एक्स 5जि स्मार्ट फनआबो आथिखालनि गोनांथि जानाय सुबुंफोरनि थाखाय मख 'जाथाव। भिभ'नि टि 3 एक्स 5जि स्मार्ट फनआव 50 एमपिनि मेन केमेरा आरो 8 एमपिनि सेल्फि केमेरा मोन्नो हागौ, जेराव 44 वाट साजिजों

साफर्ट खालामग्रा 6,000 एमएएइच बेटारि होनाय जादों। बे फनखौ फिलपकर्टआवबो मोन्नो हागोन आरो बेनि बेसेना 12,999 रां जागोन। फारसेथिं पक्कनि एक्स 6 निय फनखौ एमाजनआव 12,999 राडव मोन्नो हागौ। बेयाव 6.67 इन्सि एमलेड डिस्प्ले होनाय जादों। फनआ मिडिये टेक डामनस्टि 6080 प्रसेसरजों लेस दं। रियार पेनलआव 108 एमपि मेन केमेरा आरो 16 एमपि सेल्फि केमेरा होनाय दं। बेखौबो एमाजनआवनो मोन्नो हागोन।

बिजनीआव मोसानि हारा-बेगेंजों लोगोसे सासे सुबुंखौ हमदों



बिजनी, 8 डिसेम्बर: बेसेन गोसा जिब-जुनारनि सायाव मैहुर खालामनायखौ नागाराखे खायसे खाबु-फलन सुबुंफोरा।

हाग्रानि बेसेन गोसा जिब-जुनारफोरखौ रैखाथि होनायनि सोलाय मैहुर खालामनानै गोरलैयै रां आर्जिनयनि लामा

खालामना लानाय जाथाया सोरांआव फैदों। शनिबारखालि मोनानि समाव मानास माहारियारि हाग्रामायाव मैहुर

खालामनाय मोसानि हारा-बेगें बोखानो मोनदों। चिरांनि पानबारियाव मोसानि हाथाय, हारा-बेगेंजों लोगोसे मैनि गं बोखानो मोनदों। जिल्लानि पानबारि रेन्जिनि सिडव थानाय झारबिसपानिनि थागिबि बासुदेव राय(64) मुंनि सुबुंनि न'निफ्राय न' सिडव लाखिना दोननाय थासारियाव बोखानो मोनो मोसानि हारा-बेगें। मोनसे आनदो सुलुनि बिथाजों पान्बारि रेन्जिनि बिबानगिरि दैमालु गयारिनि दैदेन्नाय मोनसे हान्जाया सिप्रोमनायनि गेजेरजों बोखानो हायो मोसानि हारा-बेगें।

दुखुथिया बिमा

मा एसे गात्रि आयै नॉनि खाफालालाइ सानबाबो सानसनो हाया..... फारसैथिं साननानै नाययोब्ला हारसिडै गोबों खामगिललायानाय जुजायनि अर बायदि दोहो-दोहो.....। खाफाल हमनानै थाथ' आयै..... सानसे समाव जों बिग्राय फारि फोरजों दानलाय...सुलाइ जिउ होनानैब्लाबो लुगोन जों हिमालय हाजोआव बेलदिं न'।

जांखि खांयो आयै बिग्राय फारिफोरा..... नॉल' दुफां बोथोरनि बार बायदि सिमन्ने-सिमन्ना हिउ-हिउ.... बारनाय बारोजों बिरफनानै जावलिता जानो दासान। मा एसे गात्रि आयै नॉनि खाफाललाय। बबेबा लैथोनिक्राय फेनाय दै बाना बायदि... उलथांलाय फालथांलाय। दासान नों आयै हारसिडै जांखिखांनो माखासे आरमि पुलिसफोर बायदि। जों दं आयै जों दं.....

जेब्लाबो दासाननं आयै दासान... जेब्लाबो नॉनि मेगननिफ्राय गहोनो बबेबा जायगानिफ्राय फेनाय दैबानानि मोदें। मा एसेबां दुखुथिया आयै नॉनि महरालाइ। बिजिर- बिजिरनानै नायब्लाबो खुगायाव खुदें मेगनाव मोदें। मा एसेबां दुखुथिया आयै बे उजिगासेयाव जॉनि जोनोमालाय।

जाइख्वं ब्रह्म
ला:सो:-सान्तिपुर
जिला-कक्राझार बि टि सि

6 बिलाइ (1 बिलाइनिफ़्राय)

जौगारखानाय आबादारिफोरनो जिउखां आरो थिसन्थाइ सोर्जिनायनि थांरिखिजौं जर'खा बिथांरिखि बेखेवदौं आरो आबादिनि आगजुफोर गथायनाय हाबाफारि खुंदौं

हाबाफारियाव गिबि मन्श्रिआ बुंदोंदि, रइन्ज्योनि रंखान्थियारि बिथिखौं गाव गसंथा होनानै सोर्जिनायनि थाखाय आबाद, आबादिनि मुवा-बेसाद, जुनात फिसिथायखौं मोनसे जिउ गोनां बिथिसिम मावफुंनगोन। नख'रगि महरै दिहुन्नाय मुवा-बेसादफोर मोनसे थाखोसिम लानानै थानो हायो होना मख'नानै बिथाड बुंदोंदि, फालांगियारि थाखोयाव दिहुन्नाय बाश्राखौं सानोब्लासो गाव सोनारनो हानाय आसाम सोर्जिनायाव जाफुंसारनो हागोन। बिथाड लोगोसे बुंदोंदि, सोनाब बंग'नि रुजुनायाव आसामआ दिनेंसिम बे बिथिसिम जोनोम जागोनदान थासारियाव दइ। आधिखालावबो गुबुन रइन्ज्योनिफ़्राय रइन्ज्योसिम ना, दावदै, गाइखेर, बोरसा बायदिफोरखौं लाबोनो गोनां जायो। सोनाब बंग'नि सिमना ओन्सोलायाव गसंनानै थायोब्ला नुनो मोनोदि, बेसेबां बिबांनि आदार-मुवा-बेसादआ आसामनि बाइजोनिफ़्राय फैयो। आसामनिफ़्राय थानाय ट्रकफोरव सरसनखायै कयलासो थायो होना बिथाड मख'दौं। बिथाड लोगोसे बुंदोंदि, फालांगियारि बिथायाव आबाद मावनो नाजानांगोन। आधिखालयाव रइन्ज्योआव लासै-लासै आबाद आरो जुनात फिसिनायनि खोन्दोयाव मोनसे गोदान दफारखौं सोर्जिनाय जादों होना मख'नानै बिथाड बुंदोंदि, गरखुटि, कन्क्याक बायदि फामफोरव माखासे जौगारखानाय आबादारि सोर्जिजाबाय। गुबुन गुबुन आबाद मुवा-बेसादखो प्केर्जिसिम मावफुंनानै बांसिनथारै बेसेन मोन्नायनि थाखाय रंखान्थियारि जांरिखिथायबो जागायजेन्दौं होना बिथाड बुजे। रइन्ज्योनि गोदान रंखान्थियारि जांरिखिथायाव माखासे गोदान-गोदान रँगौंथि गोनां सेंग्रा-सिख्लाफोर बाहागो लादों होना मख'नानै बिथाड बुंदोंदि, बेबायदि माखासेआ आसाम गौरब आरो आसाम सौख बान्थाजौं मान होजादों। जेब्ला दरसे रइन्ज्यो एबा हादतआव रँगौंथि गोनां सेंग्रा-सिख्लाफोर आबाद आरो जुनात फिसिथाइ खोन्दोयाव खामानि मावनो सिगांबोयोब्ला बे रइन्ज्योआ गाव सोनारनो हानायखौं जागायजेनो होनानैबो बिथाड बुजे। बिथाड लोगोसे बुंदोंदि, गुजरत, कर्नाटक बायदि रइन्ज्योफोरा उडगआरि बिथिडव जेरैवायदि सिगांनया बेबायदिनो आबाद खोन्दोयाव सिगांलांदों। गावनि बिबुंथियाव गिबि मन्श्रिआ गुजरटआव सानफ्रोमबो से कौटि लिटर आरो कर्नाटकफाव 60 लाख लिटर गाइखेर दिहुन्नाय आयदाखौं मख'दौं। बिथाड बुंदोंदि, आसामयाव सानफ्रोमबो फालांगियारि महरै 1 लाख लिटर गाइखेर दिहुनजायो। थानाय 5 बोसाराव नाजानायनि उनावबो 2 लाख गाइखेर दिहुन्नाया जाफुडखै होनानैबो बिथाड बुंदों। गिबि मन्श्रिआ बुंदोंदि, रइन्ज्योनि रँगौंथि गोनां लाइमोन जोलैआ आबाद बिथिडव सिगांबोनो गोसो-गुदु नइ। सेंग्रा-सिख्लाफोर सरकारि साब्रि एबा रइन्ज्योनि बाइजोयाव साब्रि मावनो थाडे, नाथाय न'आवनो जिरयनाव आबाद आरो जुनात फिनाय खोन्दोयाव थिसन जायोब्ला गोबां बिबाडव धोन आर्जिनो हायो होन्नानैबो बिथाड बुंदों। गिबि मन्श्रिआ लोगोसे बुंदोंदि, कर्नाटक, गुजरत बायदि रइन्ज्योफोरा फोरमायथि बिरंदामिन खोन्दोयाव जांरिखिथाय लाबोनायजौं लोगोसे आबाद, जुनात फिसिथाइ खोन्दोखौं जांरिखिथाय लाबोनो हादों। दिनें बेफोर रइन्ज्योआ आबाद जुनात फिसिनायनि बिथिडव साबसिन जाफुंसारनायसिम सौहेनो हादों। उडगआरि खालामनाय लोगो-लोगो आबाद खोन्देखौं गोदान मुगानि खालामनोबो हादों होन्नाखै बिथाड बुजे। गिबि मन्श्रिआ बुंदोंदि, सरकारआ गाइखेर दिहुन्थाय, ना दिहुन्थायाव गाव सोनारनो हानायनि थाखाय नाजाबोदों। नाथाय बादायलान्जनाय नोजोर गैथैनि थाखाय आधिखालाव बेसेबांबा गोजान जान्थायाव थानो गोनां जादों। फोरोंगिरि सेंग्रा-सिख्लाफोर आबाद खोन्देखौं गाव सोनारनो हानाय नेसॉन महरै सोर्जिनांगोन होन्नानैबो बिथाड बुजे। आबाद खोन्देखौं जौगारखोहोनो थाखाय रइन्ज्यो सरकारआ थांरिखि नाजानायनि बाश्राखौं मख'नानै गिबि मन्श्रिआ बुंदोंदि, अरगुयाव आसामनि आबादारिफोर दिहुन्थाय माइखौं मोनफ्रोम कुन्टेल्याव फालांगिरिफोरनो 600 रॉनिफ़्राय 800 रॉनि गेजेराव फान्नो गोनां जादोंमोन। दिनें फालांगियारि एबा सरकारआ मोनफ्रोम कुन्टेल माइखौं 2300 रडवब बायो। माइ बायनाय बे बेसेनआ 3 फान बांदों होन्नानैबो बिथाड बुजे।

जालुकवारि बियाबनि सा ८90 सेंग्रा-सिख्लाफोर बिथांरिखिनि गेजेरजौं मुलाम्फा मोनगोन होना मख'नानै बिथाड बुंदोंदि, मोनफ्रोमबो हान्जानि थाखाय 1 लाख 35 रोज़ा राइँे थि खालामनाय जादों। बे रंजों थि खामानि मावयोब्ला बिसोर सेंग्रा-सिख्लाफोर गाव सोनारनो हानायनि मोनसे गोदान जांरिखिथाय सोर्जिनो हागोन।बिथाड बुंदोंदि, गिबि मन्श्रिनि गाव सोनानाय बिथांरिखि सिडव 2 लाख सेंग्रा-सिख्लाफोरनो 2 लाख राइँे गथयनायनि थांरिखि लानाय जादों आरो बे बिथिडव फालांगि मोनसे गायसन्ना लानो हायोब्ला गाइइ मन्श्रि मुग्रा बिथांरिखिनि सिडव 20 लाख रंं दाहार लानायनि लामाया रोखा जागोन। दिनेंनै बे हाबाफारियाव आबाद बिफननि मन्श्रि अटुल बरा, आबहावा आरो हाग्रा बिफननि मन्श्रि चन्द्र महन पाटवारी, एमएलए दिगन्त कलिता, गाहाइ नेहाथारि मनिस ठाकुरस्मोनजौं लोगोसे गोजौ थाखौनि बिबानगिरिफोर आरो मान गोनां सुबुंफोर बाहागो लाफेदों।

'समान्थिनि खबाभजों, जिउनि रंजानाय' आयदाफारिनि हाबाफारि खुंदों

दिन्थिनाय आयदाखौं मख'नानै बुंदोंदि, हारिमुवारि बिजोंजों गोरोबलायनायनि मोनसे थासारि सोर्जिनांगोन। श्रीमन्त शंकरदेब आरो श्रीश्री माधबदेबनि बाश्राखौं मख'नानै गिबि मन्श्रिआ बुंदोंदि, बिसोर सानै महापुरुषआ असमीया हारिमुनि गेरद बिथा सोर्सिलांदों। बिथाड बुंदोंदि, महापुरुष श्रीमन्त शंकरदेब आओ महापुरुष माधबदेबनि बरगितखौं जोबोद मोजां समायना फाव दिन्थिनानै फरायसाफोर गाव-गावसोरनि रँगौंथिखौं सिनायथि होनो हादों। महापुरुष श्रीमन्त शंकरदेबखौं हारिनि बिफा महरै मख'नानै गिबि मन्श्रिआ बुंदोंदि, दिनेंनिफ़्राय 500 बोसोर सिगां दावयव-दावसि हारियारि जेंना-जेंसिखौं फोजोबनो थाखाय हांखायनानै मोनसे खौसेथि समाज दनायनि थाखाय थासारि सोर्जिंदोंमोन। बिथाड लोगोसे बुंदोंदि, भारतआरि सनातन सोद्रोमसिआ गासै सोर्जिनाय बायदिनिफ़्राय आधिखालसिम समाजयाव दानो मोनै, गोजौ थाखो, गाहाइ थाखोनि हेंथायै मख'नानै जेब्लायबो बयखौबो खौसे थानायनि थाखाय थुलुंगारखौं होबोदों। भारतनि गोजामिसिन बिजाव ऋगबेदिन बाश्राखौं मख'नानै बिथाड बुंदोंदि, बे बिजाबानो बयनिबो गेजेराव अन्सायनायनि खौरंखौं गोसारहोदों। दानो मोनैनि हेंथा आरो समान्थिनि थाखाय हिन्दु समाजआ जिउनाइँे जौंखौं फोरंबोदों होन्नानैबो बिथाड बुंदों। बिथाड लोगोसे बुंदोंदि, भारतबर्षनि सोद्रोमसि आओ हारिमुआ बयखौबो खौसे लारिखनानै, जुथायै सिगांलांनो थाखाय थुलुंगारखौं होयो। गिबि मन्श्रिआ बुंदोंदि, समाजयाव दानो मोनैखौं फोजोबनो थाखाय चाशारकांन्था थानै'नाय गैथे खामानि मावदोंमोन। 1924 माइथायनिफ़्राय 1937 माइथायसिम रत्नगिरियाव जोबथेजानायनि समाव हिन्दु समाजनिफ़्राय दानो मोनैखौं फोजोबखस्रानायनि थाखाय बिथाड थानै'नाय गैथे खामानि मावलांदोंमोन। ॐ भिमराव आम्बेदकारआ समाजयाव समान्थि नइँेखौं फोजोबनो थाखाय गोरोबलायनाय गैयाजासे सोमावसारनायखौं दैदेन्दोंमोन आरो बेनि थाखाय आम्बेदकारनि पुन्य तिथि ॐ हेडोवाड गोसोखांथि आफादआ समान्थिनि खबामजों जिउनि रंजाखानाय हाबाफारिखौं फालिबोदों होन्नानैबो बिथाड बुंदों। गिबि मन्श्रिआ बुंदोंदि, साखोन-सिखोन खालामग्रा मावफारियाफोर हादतनि गुबुन गुबुन ओन्सोलनिफ़्राय फेदोंमोनब्लाबो दिनें गेदेर आसामनि हायाव गोरबदों आओ साफ़्रोमबो साखोन-सिखोन खालामग्रा मावफारियाफोरा साफा-साफा गोग्गाथाव असमीया। महापुरुष श्रीमन्त शंकरदेब माधबदेब, दामदरदेब, भन्तदेबमोनहा होलांनय हारिमुजों लोगोसे गावखोनो लोब्बा गोनां जानो खावलायनानै बिसोरो जाय रइन्ज्योनिफ़्राय फेदों बे रइन्ज्योनिबो हारिमुखौं फालिनांगोन। बेबायदिनो हारिमुनि बे गोरोबलायनायजों दरसे भारत, साबसिनथार भारतनि बिथांरिखिखौं सिगांलांहोबोनो होन्नानैबो बिथाड बुजे। गुरु नानक आओ महापुरुष श्रीमन्त शंकरदेबनि धोरामि आ सान्थीनि गेजेराव जेबो फरागथि गैया होना मख'नानै बिथाड बुंदोंदि, सानैबो महापुरुषआ समान्थिनि खबामजों जिउनि रंजनाय रोज़बानायनि थाखाय नाजालांदोंमोन। भारतनि गुबुन रइन्ज्योनि रुजुनायाव आसामनि सरसनस्त्रा सुबुंफोरनि गेजेरव गोजौ थाखो आरो गाहाइ थाखोनि सान्नाय-हनाय गैया होना मख'नानै बिथाड बुंदोंदि, महापुरुष श्रीमन्त शंकरदेबनि आदर्शन थाखाय खौसे थानाया जाफुंदों। दिनेंनि हाबाफारियाव फाव दिन्थिनाय गथ'सा एबा फरायसाफोरखौं असमीया नख'रनिनो सोद्रोमा होना मख'नानै बिथाड बुंदोंदि, फरायसा समाजआ जाय हाबाफारि दिन्थिदों बेनि थाखाय बयबो गोगानाय मोन्दौंथिदों। बोसोलैनि उनाव बिसोर फरायसाफोरखौं गोदान दिल्लीआव फाव दिन्थिहेनायनि थाखाय लानानै थानाय जागोन होन्नानैबो बिथाड बुंदों। गिबि मन्श्रिआ बुंदोंदि, बेनि गेजेरजौं बाइजोनि फिसाफोर आसामयाव फैनानै माबायदि असमीया हारिमुखौं बोजबना लानानै दरसे भारत, साबसिन्थार भारतनि सिमां नुदों, बे बाश्राखौं गोदान दिल्लीआव हारिमु दिन्थिनायनि गेजेरजौं हादतआ मोन्दौंथिनो हागोन। दिनेंनै बे हाबाफारियाव रफ़्ट्रिय स्वयं सेवक संघनि सर संघ मावफुंगिरि ॐ कृष्ण गपाल शर्मा, आफादारि आफादनि आफादगिरि रम सिं, रफ़्ट्रिय स्वयं सेवक संघनि ओन्सोल आफाद सामलायगिरि ॐ उमेश सक्लरतौं, रइन्ज्यो संघ सामलायगिरि ॐ भुपेस चन्द्र शर्मा, ओन्सोल फोसावर्दिगिरि बसिस्ट बुजर बरुवा, माखासे सत्रदिकारजौं लोगोसे मान गोनां सुबुंफोर बाहागो लाफेदों।

कक्राइ़ारआव श्रीश्री ठाकुर अनुकुल चन्द्रनि 137 थि जोनोम सान फालिदों

लायो। मख'नो गोनांदि, हाग्रामा महिलारोआ आर'ज गाबनाय हाबाफारियाव बाहागो लायोब्लाबो खौरं बिजॉनि सिगाडव बिबुंथि होनायनिफ़्राय जानगाराव थायो। जोनोम सान फालिथार्यनि सान्सेनि हाबाफारि बायदिदैये भजन, नाम कंग किर्टन, बेसेन नाइँे देहा फाहामथाय बादा, सतसंगि सन्मिलन, आर'ज गाबनाय, नाम जब, धोरोगारि बिजाब फरायथिनाय बायदि हाबाफारि खुंनया जायो। गुबुन फासैथि, ठाकुरनि जोनोम फोर्बॉनि जर'खाय नोजोर बोग्रा बायदिदैये मोनाबिलियाव देफघरनिफ़्राय हांखायजानाय डि हवाइर बेन्डनि मेथाइ रोजबाना दिन्थिफुंनया बाहागो लागिरिफोरनि नोजोर बोनो हायो।

सोनाब सान्जारि नोगोर दख'रा खौसेथि बर'सुबुं आफादिनि खुंग्वा 4थि से बोसोरारि जथुमा खुंदों

लेइइ आफादगिरि दिपक बर'आ, बेनि उनाव सोनाब सानजारि नोगोर दख'रानि बोसोनगिरि, बिबानगिरि आनो गासै सोद्रोमाफोरनि मोनसे सावराय जथुम लानाय जायो। सानजौफु समाव बर' हारिखौं सिबिग्रा, अनसयाग्रा आरो हारिनि खौसेथि मोजां मोनग्रा दैदेनगिरि, मेलेमजिबि आरो गासै राइजो-राजफोरखौं लानानै मोनसे सावराय मेरि लानाय जायो। बे सावराय मेलाव मासिगिरि हिसाबै अमिन बर', मेलेबेखगिरि महरै जनाराभ ब्रह्म आरो बे सावराय मेलनि गाहाइ आलासि महरै धेमाजि जिल्ला खौसेथि बर' सुबुं आफादनि आफादगिरि रातिराम बसुमतारि आरो थांरिखिजानाय बुंथिगिरि महरै बोखावै लक्षिमपुर जिल्ला बारग' बि.एल.टि अन्सग्रा आफादनि आफादगिरि सानसुमा बसुमतारि, धेमाजि जिल्ला खौसेथि बर' सुबुं आफादनि लेइइ आफादगिरि दिपाकर नाज्जरि बिथामोनहा बाहागो लायो। लोगोसे ओन्सोलनि गोबां हांखायजानाय माननि आलासि, मेलेमजिबि, सानसुमै आरो राइजो-राजाफोरनि मैख्योम बाहागो लानायजौं सोनाब सान्जारि नोगोर दख'रा खौसेथि बर' सुबुं आफादनि 4थि से बोसोरारि जथुम्माओ महरै गोनाइँेजोबलाय।

कक्राइ़ारआव पलिअ साब-नेसनेल

थिखा टिका थुनाय सान बेखेवदों

जाय पलिअखौं फोजोबखस्रानायाव टिका थुनायनि गोनांथार बिफावनि सायाव गोसो होयो। जिल्ला बेंगिरिजों लोगोसे कक्राइ़ारनि उफ़्रा जिल्ला बेंगिरि कबिता डेकराया बाहागो लायो। बे नाजानायखौं दैदेनायाव गुबुन बिबानगिरिफोरजों लोगोसे जिल्ला टिका थुनाय बिबानगिरि ॐ डि भवालआ। गथ'साफोरखौं बे भाइरेल सन्देरनायनिफ़्राय रैखाथि होनो थाखाय पलिअ टिका थुनायनि गोनांथिनि सोमोन्दै सांग्रॉथि लाबोनो थाखाय 8 निफ़्राय 10 डिसेम्बरसिम गासै हादत नाइँेनो साब-नेसेनेल टिका थुनाय सान (एसएनआइडि) पलिअ केम्पेइन फालिनाय जायो। बे हाबाफारिया बिमा-बिफा आरो बिगोमाफोरखौं गावसोरनि गथ'फोरखौं खाथिनि टिका थुग्रा बुथआव लाबोना एबा आबुं टिका थुनायखौं रोखा खालामनो आरो ओन्सोलाव पलिअनि खैफोदिनिफ़्राय उन्दै गथ'फोरखौं रैखाथि होनो थाखाय दावबायफेनाय हान्जफोरनिफ़्राय टिका थुनायखौं थि खालामनानै फोसावदिनायाव सांग्राडेबाहागो लानो खावलायो।

सानै मुख्त्वं रौनियाफोरनि मुख्त्वं जानायखौं गोसोखानानै “ गोसोखांथि सान ” फालिदों

कर्पस गाहाइ मावख'नि शहीद स्मारक स्थलआव खुंजानाय “ गोसोखांथि सान ” हाबाफारिनि समाव रौनियाफोरा मुख्त्वं रौनियाफोरनि बावसोमनायफोरखौं गोसोखानानै 2 मिनिटनि थाखाय सिरि थानानै बिर रौनियाफोरखौं हाथियारजों मान होदोंमोन। मुख्त्वं जानाय रौनियाफोरखौं गोसोखानानै 54थि बेटालियननि कामानडेन्ट नबिन कुमार, मावख'गिरि, गाहाइ मावख'गिरि, जवान, मुख्त्वं नकुल चन्द्र मेधौनि नख'रनि सोद्रोमाफोर आरो माक्रा गोजौ फरायसालि, पाटकिगुरिनि फरायसाफोरा मुख्त्वंनिंसिम मानबावो। बे फालिथायाव, 54थि बेटालियननि कामान्डेन्ट नबिन कुमारआ नुजाथिनाय साफ्रोमखोबो शहीद नकुल चन्द्र मेधौ आओ मुख्त्वं अनिल कुमारनि सुंद' जारिमिननि बागै फोरमायो। रौनिया हान्जनि मावथिफोरजों लोगोसे हाबाफारियाव बाहागो लानाय गासैबो मुख्त्वं जानाय रौनियानि न'आव थानानै मान बाउदों।

द्वारकुसि दख'रा एबसुनि 25थि बोसोरसालिया जथुम्मानि गाहाइ खुन्थियाखौं गाइसनबाय

थाखाय साखा-फारा जादों बान्ज्राय आफादआ। बेनिनो गाहाइ खुन्थियाखौं दिनें बाथौ धोरोमनि नेमखान्थिजों आर'ज गाबनानै तामुलपुर बियाबनि एम एल ए जलेन दैमारिआ गाइसननानै होयो। दख'रा एबसुनि बे गाहाइ खुन्थियाखौं गाइसननानै खुंफुंजानो गोनां बे रुपाथि माइथाय फोर्बों फालिथाइनि गेजेरजों ओन्सोलआव सोलॉंथाइ फारसे गोखों जाबोगोन, समाजारि फारसे सांग्रॉथि जानायजौं लोगोसेनो राइजो-राजाफोरनि जुथाइ मददजों गाजा-गोमजायै खुंलांनो हागोनखौं मिर्जिथिनाय फोरमायथिदों एम एल ए जलेन दैमारिआ। बेजों लोगोसेनो द्वारकुसि दख'रा एबसुनि आफादगिरि सानसुमा बर'आ फोरमायथिदोंद, खुंग्वा 25थि बोसोरसालिआ जथुम्मा एबा रुपाथि माइथाय फोर्बों फालिथाइआ थारैनो मोनसे मेहेरगोनां जागोन। बे जथुम्माखौं समायसरहोनो मोनसे जुनिया रोखोमनि हाबाफारि लानायजों लोगोसेनो बारग' दैदेनगिरिफोरखौं बरायनाय, फरायसाफोरनि थाखाय सोलॉंथाइनि फारसे सांग्रॉथि होनाय, हारिमुवारि दिन्थिफुंनया बायदि बायदि हाबाफारिजों गाजा-गोमजायै खुंनया जागोन होन्ना फोरमायथिदों।

बरमुकलि दालाइ एबसुनि खुंग्वा 20थि बोसोरसालिया जथुम्माया खुंफुंजालांबाय

सावरायनाय आरो सोलॉंथयारि सावरायमेल बायदि हाबाफारिनि गेजेरजों जागायजेनो। हाबाफारिजों लोब्बा लाखिनानै मोनसे गेवलां सावरायमेल लानायखौबो नुनो मोन्नाय जायो। बे हाबाफारिखौं गावनि बेसेनगोसा बिबुंथिनि गेजेरजों बेखेवना होयो उदालगुरि जिल्ला दुलाराय बर' फरायसा आफादनि आफादगिरि कर्नेलियास दैमारिआ। गेवलां मेलआव जर'खा आलासि महरै बाहागो लायो बि टि आरनि लेइइ गाहाइ मावफुं सोद्रोमा गबिन्द चन्द्र बसुमतारिआ। बिथाड गावनि बिबुंथियाव बुडेदि, दुलाराय बर' फरायसा आफादआ जेब्लायबो बर' हारिनि थैनाय थानायजो लोवासवमनिफ़्रायनो नांथाब नाजाथाबना खामानि मावबोबाय थानायजो लोगोसे सम-सम राजखांन्थियारि मोन्-थायफोरजौं लानानै सोमावसारबोबाय थादों। बे लेखायैनो दुलाराय बर' फरायसा आफादनि नाजानायवनो बर' हारिनि गेजेराव भारत सरकारजों खेबथाम गोरोबथाबो जानो मोन्दों। जाय गोरोबथानि गेजेरजों बर'फोरा दिनेंनि सनाव हारि हिसाबै थानानै थानो खाबु मोन्दों। जायनि थाखाय गावनि फारसेनिफ़्राय मिरु दुलाराइ बर' फरायसा आफाद, जिल्ला आफाद, दख'रा आफाद आओ दालाइ आफादफोरखौं साबायख'र बावहरो होन्नानै गावनि बिबुंथिआव बुंथिना होयो हाबाफारिनि जर'खा आलासि बि टि आरनि लेइइ गाहाइ मावफुं सोद्रोमा एबा 46नं. उदालगुरि बिधान सभा बियाबनि एम एल ए गबिन्द चन्द्र बसुमतारिआ। बे हाबाफारियावनो गाहाइ आलासि महरै बाहागो लायो मिरु दुलाराइ बर' फरायसा आफादनि सुबुं फोनांजाब नेहाथारि लहित चन्द्र बर', माननि आलासि महरै उदालगुरि जिल्ला बि जे पिनि आफादगिरि सुनिल कुनार बसुमतारि, उदालगुरि जिल्ला बि पि एफ राजखान्थि हान्जनि आफादगिरि रिहन दैमारि, भैरबकुन्ड ब्लक बि पि एफनि आफादगिरि खनेस्वर औवारि, उदालगुरि जिल्ला एबसुनि लोगो बुंथिगिरि मोनसिं ब्रम्प, उदालगुरि जिल्ला बर' थुनलाइ आफादनि लोगो आफादगिरि कुलेन बर', पानेरि दख'रा एबसुनि आफादगिरि मिथिंगा बर', गाहाइ नेहाथारि सुबुंसा नाजर्जि मोनहा। बेराफारसे जाय हाबाफारिनि गेजेरजों बरमुकलि दालाइ एबसुनि गोदानै नै बोसोरनि थाखाय बिबान मोन्नो हाबाय बिथामोनहा फेगौ समाव बर' हारिनि थथामोन्था रैखांरिथिनि थाखाय गावनि बेसेनगोसा समखौं दोन्थना खामानि मावनो आंखारबोबाय आओ ओन्सोलनि राइजो-राजाफोरा हाबाफारियाव लैहोर-लैहोर केन्ला जाफुंसार होफैनायनि थाखाय बान्ज्राय आफादनि आफादगिरि केन्ला कान्त नाजर्जिआ साबायखर बावहरनयाखौं हाबाफारिनि गेजेरजों नुनो मोन्नाय जादों।

खारावारि दख'रा एबसुनि खुंग्वा 42थि बोसोरसालिया जुथुम्माखौं खुंफुंबाय

आरो 8 डिसेम्बर, 2024 खालाराव खुंफुंबाय। 42थि बोसोरसालिया जुथुम्मानि दिनें नैथि एबा जोबथा साननि फुबिलिनि हाबाफारिया जोबनायनि उनाव मोनसे गेवलां मेल लानाय जादों। गेवलां मेलखौं बेखेवनानै होयो बि.टि.आरनि मावफुं सोद्रोमा दावबायसा बर'आ आरो गेवलां मेलआव गाहाइ आलासि महरै बाहागो लायो दुलाराय बर' फरायसा आफादनि गाहाइ नेहाथारि खनिन्द्र बसुमतारिआ। गाहाइ आलासि महरै बाहागो लानानै बिथाड समाजारि थासारि, सोलॉंथाइ आरो बर' हारिनि रंखान्थियारि बिथिथिनि फारसे गुवारै बिबुंथि लाखिनानै आइजोफोरखौंबो आधिखालाव आदब आरो गुनगोनो रँगौंथिजों दानाय- लुनाय, दाव-आम फिसिनानै नख'रखौं जौगाहोना माहारि दानाययाव बयखौबो बाहागो लानो खावलायबावो। बे हाबाफारियावनो बाहागो लानो हाबावदों फारियै-सुसिल इस्लारि, हारिमु नेहाथारि एबसु बिस्वजिथ नाजर्जि, आफादगिरि दिल्ली मुलुग सोलॉंसालिजों लोगोसे उदालगुरि जिल्ला एबसुनिफ़्राय बुंथिगिरि र्हित बसुमतारि, नेहाथारि रामेस च. बर', सोलॉंथाइ नेहाथारि सेलभेसन मसाहारि आओ ओन्सोलनि गुबुन गुबुन सानसुमै दैदेनगिरि समाव सिबियारि फरायसा-फरायसुलिफोर आओ गोबां राइजो-राजाफोरनि बाहागो लानायजौं हाबाफारिया मेहेरगोनाइँेखुंफुंजायो।

(1 बिलाइनिफ़्राय)

गिबि मन्श्रिआ बुर्लुबुथुर दैमानि सायाव थानाय पलाशवारि-सुवालकुसि फोनांजाब दालां लुनायनि भुमि फुजायाव बाहागो लादों

दिन्थियो। बिथाड 14 एप्रिल, 2023 खालि आसाम दावबायनाय समाव गाहाइ मन्श्रि नरेन्द्र मदिआ अन्थाइ खाम्फा गायसन्नाय, नाहकटियायाव एआईएमएस, गंथाम गोदान मेडिकेल कलेज आरो पेट्र॰केमिकेल हाबाफारिखौं बेखेवनायफोरखौं गोसोखंदोंमोन। मख'नो गोनांदि, बे सानखालिनो 12,000 बिहु मोसाखावरिफोरा आसामनि हारिमुवारि मान-सनमानखौं जौगाहोनानै गिनीज वर्ल्ड रेकर्ड मोननो हादोंमोन। गिबि मन्श्रिया मावथांरिखि फोरमायथिनि जौगाथाय, टेन्डार होनाय बिखान्थि आरो हा आरजिनायजों लोगोसे उननि खामानिफोरखौं नोजोर होयो, जाय दिनेंनि भुमि फुजायाव जोबहंदोंमोन। बिथाड बुडेदि गासै 3.6 किल'मिटर गोलाव बे दालांआ जुन 2028 माइथायसिमाव आबुं जागोन। बेवहाय सुवालकुसिनि साहाथि सिदोब हामाफोरखौं रैखाथि होनो थाखाय गोजौ लामाफोरजों लोगोसे पलाशबारिखौं फोनांजाबग्रा 5.3 किल'मिटर ब्रै लेनिन लामा आरो सुवालकुसिसिम 2 किल'मिटर लामा थागोन। बिथाड बुडेदि बे दालांआ बुर्लुबुथुरनि सा आरो खोलायारि रुंगुफोरनि गेजेराव फोनांजाबनायाव मोनसे सोलायानायखौं थुलुंगा होगोन, जायजों गुवाहाटी मुलुगसोलॉंसालि, मेथालयनि तुरा आरो गवालपारा बायदि मुंदांखा थावनिफोराव सौहेनायखौं गोरलै खालामगोन। बिथाड बुंबावोदि सरकारि हाबाफारिफोर, जाय सिगाडव हाज', रामदिया आरो सुवालकुसि बायदि ओन्सोलफोराव लजिस्टिक जेंनाफोरजों हेंथा होजादोंमोन, दा मावफुंजासिमोन। बिथाड पलाशबारिआव भारतआरि सामलायथाय फसंथान (आइआइएम) नि थाबैनो लुनायखौबो मख'दोंमोन, जाय दालांनि आबुं जानायनि उनाव सा-आसामाव फरायसाफोरनि थाखाय सुंजाबथायखौं साबसिन खालामगोन। 2014 आव गाहाइ मन्श्रि नरेन्द्र मदिआ खुंथायारि बिबान सामब्लासनायनि उनाव जौगाथाय फैनार्यनि सोमोन्दै फोरमायनानै ॐ शर्मांआ बुडेगि धला-सडिया आरो बगिबिल दालांनि गोनांथिनि सायाव फोरमायो। बिथाड जरहात आरो माजुलिखौं फोनांजाबग्रा गंसे दालां लुनायनि बाश्रा मख'थो, लोगोसे फेगौ बोसोराव गहपुर आओ गलाघाटनि गेजेराव 12,000 कौटि रं थिसन्नायजों मोनसे गिदिर सुरंग लामा मावथांरिखि जागानो सानथांरिखि लादोंमोन। बेनि अनगयैबो, बिथाड 8,000 कौटि रंजों दै बानानि समाव काजिरड हाग्रामानि जिब-जुनातफोरखौं रैखाथि होनायनि थांरिखिजों 32 किल'मिटर एलिभेटेड करिडरनि बिथांरिखि फोसावो। बिथाड कलियाभमरा दालांनि जाफुंसार आबुं जानायनि सायाव फोरमायथियो आरो मरिगाव आरो दरनि गेजेराव गुबुन मोनसे दालांनि बिथांरिखि मावफुंनो इसरा होयो। बिथाड बुडेदि फुलबारि दालांनि गोख्रै दावगानायजों लोगोसे पलाशबारि-सुवालकुसि दालांनि लुनाया गोख्रैनो गोख्रोडे-जागायनो। बिथाड बराक हायेनाव मोन्द' गोदान दालांफोरनि थांरिखि लानाय लुनाय/सोलिबाय थानाय लुनायनि बिथांरिखिफोरखौं फोरमायो। गिबि मन्श्रिआ बेफोर मख'जथाव दावगानायनि थाखाय गहाय मन्श्रि मदिनि मेंनो रोडे-नाजानायनि थाखाय दाय होयो, जाय आसामनि दिदोम जौगानायनि थाखाय मोनसे रादाइखौं रोखा खालामो। बिथाड नोजोर होयोदि थानाय जि बोसोरनि जाफुंसारनायफोरा बिदिन्थि होयोदि माबोरै गोजोन आरो दावगानाया लोगोसेयै थानो हायो, इयुनिनि थाखाय गोदान सिमांफोर आरो हाबिलाफोरखौं बांहोनो हायो। बिथाड माहारियारि थाखोआव दावगानायनि मोनसे सां महरै आसामनि गोदान मुंदांखायाव गोगानाया फोरमायो, बेखौं नोजोर होनानै जालुकवारि बियाबव देरहानाया मोनसे बिदिन्थि महरै खामानि मावो जाय सुबुं समाजजों हेफाजाब होलायनाय हाबाफारिफोरा जिउनि गुनआव थोजासे जौगाहोनो हायो। बिथाड बुडेदि बे जाफुंसारनाया गोदानै सायख'जानाय एमएलएफोरखौं गावसोरनि बियाबफोरनि जौगानायखौं आवगायहोनो थाखाय थुलुंगा होयो, लोगोसे मा बायदिदैये नांथाब नाजानाय आरो बाउसोमनाया हारिनि सिडव जौगानायखौं एम्बेड खालामनो हाटो बेनि सोमोन्दै फोरमायथियो। ॐ शर्माया फोरमायोदि, हानि जेंनाया आधिखालाव जेबो हेंथा नइ, गुवाहाटोनि साखाथियाव थालानाय मावथांरिफोरा दा हाइ', बरखेठि, पलाशबारि, बक' आओ सयगबआव दावगानो हागोन। बे पलाशबारि-सुवालकुसि दालांआ समाजारि जौगाथायनि फारसे सरकारनि नाजानायाव मोनसे मख'जथाव आगानखौं दिन्थियो, जायखौं गिबि मन्श्रिया मोनसे जथाय जाफुंसारनाय महरै आखुथाय होयो। दिनेंनै बे हाबाफारियाव मिरु मन्श्रि पबित्र मार्धैरिता, आबहावा आरो हाग्रा मन्श्रि चन्द्र महन पाटवारी, एम पि भुबनेस्वर कलिता आओ एम एल ए दिगन्त कलिता, हेमांग ठाकुरिया, नन्दिता दास, सुबुं लुफुंथाय (लामा) बिफाननि जर'खा कामिसनार आओ जर'खा सेक्रेटारि चन्दन शर्मा, कामरुप जिल्ला बेंगिरि देब कुमगर मिश्रा आओ गुबुन गुबुन मुनगोनो सुबुंफोराबो बाहागो लायो।

राइज्यो बेंगिरिया आसाम पुलिस गाहाइफोरनि लोगो हमलायनाय सावराय जथुमनि फोजोबनाय फोर्बोयाव बाहागो लादों

सिबिथायफोरजों जौगाहोदोंमोन। सिबिथायनि फारसे बिथामोननि बाउसोमनाय, दैदेन्नाय आरो थाद'नाय गैथे बाउसोमनाया साफ्रोमबो पुलिस मावथिफोरखौं गावसोरनि मावनगंौ हाबायाव साबसिननि थाखाय नाजानो आरो समाजनि जौगानायनि थाखाय गावसोरनि सिबिथायखौं लानो थाखाय मोनसे दिदोम जानो थुलुंगा होदों। आचार्यआ बु

सुनिल चेत्रिनि हेट्रिक गल, आइएसएलआव गोदान जारिमिन

गोदान दिल्ली, 8 डिसेम्बर: भारतनि मोनसे मुंदांखा फालांगियारि फुटबल टुर्नामेन्ट इन्डियान सुपर लीग सुंद'थे आइएसएलनि मेचफोर दासान्दि हादतनि दाब-दाब नोगोरफोरख खुं जागासिनो दड। आइएसएलनि गुबुन मोनसे बादायलायनाया थांनाय सानखालि बेंगारुलु एफसि आरो केरेला ब्लास्टारनि गेजेराव जानानै थाडो। बे बादायलायनाया भारतनि गेदेमा फुटबलार सुनिल चेत्रिआ आइएसएलनि जारिमिनआव मोनसे गोदान रेकर्ड खालामनो हायो। बिथाड आइएसएलनि जारिमिनआव हेट्रिक होनो हानाय बयनिखुइ बैसो गोरसिन गेलेगिरि जानो हादो। 40 बोसोर आरो 126 सान बैसोनि सुनिलआ केरेला ब्लास्टारनि हेंथायै आइएसएलनि मेच गेलेनायाव बेंगारुलु एफसिनि 4-2 गलजो देरहानायाव मैखोमै बिहोमा होनो हादो। बे बादायलायनाया गावनि गोखो गेलेनायनि गेजेरजो चेत्रिआ बैसोगोरसिन गेलेगिरिफोरनि



हेट्रिक गल होनायनि फारिलायाव बार्तलम्युक आगबेसखौ गाहायाव दोनो हादो। अगबेसआ 2023 नि जानुवारि दानआव 38 बोसोर आरो 96 सान बैसोनि समाव एफसि गवानि हेंथायै बादायलायनायाव हाइड्राबाद एफसिनि थाखाय हेट्रिक होनो हादोमोन। थांनाय साननि बादायलायनायाव सुनिल चेत्रिनि बे गोखो गेलेनाया बेंगारुलु एफसिनि थाखाय जोबोद गोनांथारमोन। चेत्रिआ बे मेचआव 8 मिनट, 73 मिनट आरो 90+8 मिनटआव हान्जानि थाखाय गल सोनानै देरहासाद खालामदो। बे मेचआव चेत्रिनि अनगयै

बेंगारुलु एफसिनि थाखाय रेयान उडिलियाम्सआ 38 मिनटआव गल सोनो हादो। बेराफारसे बे बादायलायनायाव केरेला ब्लास्टारनि थाखाय जिजास जिमेनेस आरो प्रेडिलालामामाया फारियै 65 मिनट आरो 67 मिनटआव गल सोनो हादोमोनब्लाबो नाथाय मेचखौ देरहासार जानो हायाखै। बबेखानि केरेला ब्लास्टारआ जेन्नादोंब्लाबो बे बादायलायनायाव हान्जानि गेलेगिरिफोरा जोबोद बाखायथावै गेलेनानै दिन्थिदो। चेत्रिनि बे रेकर्डआ गावनि गोबाव आरो बाखायथाव केरियारनि थाखाय साबसिन

खालामबावदो। बिथाड भारतनि फुटबलखौ मुलुगनि सिगाडव मोनसे गोदान बिदिन्थि दिन्थिदो आरो हादतआव फुटबलनि सांग्रांथि आरो रोंगथिखौ बांहोसिन्थो। अदेवानि सुनिल चेत्रिओ सोलिफु बोसोरनि जागायनाय समाव इन्टरनेसनेल फुटबलनिफ्राय आजिरा लाबाय। नाथाय दा बिथाड क्लाब फुटबलआव गावनि गेलेनायखौ गोखोडै दिन्थिफुनाया गावनि रेकर्डनि थाखायल' नड। बेयो इयुन जोलै लाइमोनफोरखौ फुटबल गेलेनायनि फारसे थुलुंगा होनायनि मोनसे नैसो।

आन्डार 19 एसिया काप 2024 आव बांलादेशनि हान्जाया देरहासाद

फाइनाल बादायलायनायाव भारतआ 59 रानजो जेन्नादो

गोदान दिल्ली, 8 डिसेम्बर: थांनाय माखासे सान सिगांनिफ्राय दुबाइआव खुंजानाय आन्डार-19 एसिया काप 2024 क्रिकेट टुर्नामेन्टनि जोबथा बादायलायनाया दिने जोबलांबाय। दिनेनि जोबथा एबा फाइनाल बादायलायनायाव भारतनि हान्जाखौ 59 रानजो फेजेन्ना बैलादेशनि बान्जाया आन्डार 19 एसिया काप 2024 नि बिमुंखौ आवग्रिनो हाबाय। फाइनाल बादायलायनायाव बांलादेशआ भारतखौ 59 रानजो फेजेन्ना। आन्डार 19 नि भारतनि हान्जाया बे फाइनाल बादायलायनायनि बेटिआव प्लफ जादो। भारतनि थाखाय केप्टेन महम्मद अमानआ 26 रान, हाडिक राजआ 24 रानखौल' खालामनो हादो। बेनि सिगां जुहुजित गहा, चेतन शर्मा आरो हाडिक मोनहा बलिंआव गोखोडै गेलेनानै दिन्थिनो हादोमोन। बांलादेशआ सिगां बेटि खालामनानै भारतनो 199



राननि टारोट होदोमोन। बेनि फिन्नायाव भारतनि हान्जाया 139 रानल' खालामनो हानानै अल-आउट जायो। बांलादेशनि होनाय राननि टारोटखौ होसोनो थाखाय भारतनि जानानै आयुश माहत्रे आरो भैभव सुर्यावन्शीआ अपेनि बेटि खालामदोमोन। नाथाय बिसोर सानैबो बेटसमेनफोरा मोजां गेलेनानै दिन्थिनो हायाखै। आयुशआ 1 रानआवनो आउट जायो आरो भैभवआबो 9 रानल' खालामनानै आउट जायो। बेनि उनाव आन्डे सिद्धार्थ आरो केपि कार्तिकेयमोनहा हान्जानि थाखाय माखासे रान खालामो। सिद्धार्थआ 20 रान आरो कार्तिकेयआ 21

रान खालामनानै हानजानि थाखाय एसे बिहोमा होनो हादोमोनब्लाबो नाथाय आउट जानानै फोथारनिफ्राय ओंखारबोनाडो। बेबायदिनो केप्टेन महम्मद अमानआ 26 रान खालामनानै आउट जायो। एरहाय निकिल कुमारआ रान खालामनो हायाजासे आउट जायो। उडकेटकिफार हर्बन्स सिंआबो 6 रानखौल' खालामनो हायो। एरहाय किरन सर्मलेआबो 1 रानआवनो आउट जायो। हाडिक राजआ गोब्राब नाजानायनि गेजेरजो 21 बलआव 24 रान खालामनो हायो। बेबायदिनो जोबथा एबा फाइनाल बादायलायनायाव

भारतनि बेटसमेनफोरा लोरबां गेलेनायनि जोबनाव बे बोसोरनि आन्डार 19 एसिया काप 2024 खौ देरहानायनिफ्राय फेलें जादो। मख'नाय जायोदि, भारतनि हान्जाया बे टुर्नामेन्टनि गिबि मेचआव पाकिस्तानजो जेन्नादोंमोन। बेनि उनाव लाश्रियै मोनथाम मेच देरहानानै फाइनालआव जायगा आवग्रिनो हादोमोन। बेराफारसे बांलादेशआ सिगां बेटि खालामनानै हान्जानि थाखाय रिजान हुसेनआ 47 रान, हिसाबआ 40 रान, केप्टेन हजिजुल तामिम हाकिलआ 16 रान आरो परित हासनआ 39 रान खालामनो हादोमोन।

एडिलेडआव खुंजानाय बर्डर गाभास्कार ट्रपिनि 2थि टेस्टआव अस्ट्रेलियानि देरहासार

गोदान दिल्ली, 8 डिसेम्बर: भारतनि केप्टेन रहित शर्मानि गावनि नख'रजो दसे सम जिरायनायनि उनाव हान्जायाव फेफिन्नायनि उनाव जाफुंसारनो हायाखै। 8 डिसेम्बरखालि एडिलेडआव बादायलायनाय मेचआव भारतीय टीमनि 10 उडकेटजो जेननायनि उनाव रहितआ भारतनि केप्टेन महरै फारियै बैथि टेस्ट मेचखौ जेन्नादो। भारतीय हान्जाआ पर्थआव गिबि टेस्ट मेचखौ देरहादोमोन आरो फारियाव 1-0 जो सिगांदोमोन। बे मेचआव जसप्रीत बुमराहआ रहितनि



नुजाथियैयाव केप्टेननि बिबानखौ सामलायदोमोन। दायो एडिलेडआव जेन्नाया बे फारिखौ बारायबाय। बिथाड भारतनि केप्टेनफोरनि फारि लाइआव हाबबाय जायफोरा टेस्टआव 4 एबा बेनि बांसिन मेचफोर जेनदोमोन।

फारियै मोनथाम मेचफोर जेनदोमोन। दायो एडिलेडआव जेन्नाया बे फारिखौ बारायबाय। बिथाड भारतनि केप्टेनफोरनि फारि लाइआव हाबबाय जायफोरा टेस्टआव 4 एबा बेनि बांसिन मेचफोर जेनदोमोन।

गोबां भारतारि केप्टेनफोर दं, जाय फारियै मोनब्रे टेस्ट मेचफोर जेनदो। बे बेलायाव रहितआ बारग' केप्टेन भिराट कहली, महेन्द्र सिंह धनी आरो दत्ता गायकवाडजो समान-समान जायो। बिसोर साथामनि केप्टेननि दैदेनायाव भारतीय हान्जाया फारियै मोन 4 मेचफोर जेनदोमोन। बेफोरनि गेजेराव धनीनि थानायनि समाव बेयो खेबनै जादोमोन। भारतारि केप्टेन जाय फारियै- 4 एबा बेनि बांसिन टेस्ट मेचफोर जेनदो। बिसोरनि गेजेराव दड फारियै - एम.के पटौदि 6 मेच

(1967-68), सचिन तेन्दुलकार 5 मेच (1999-00), दत्ता गायकवाड 4 मेच (1959), महेन्द्र सिंह धनी 4 मेच (2011-2014), भिराट कहली 4 मेच (2020-21) आरो रहित 4 मेच (2024)। भिराट कहलीआ फारियै- मोनब्रे टेस्ट मेचफोर जेन्नाय जोबथा भारतारि केप्टेनमोन। कहलीनि दैदेनायाव भारतआ 2020-21 सिजनआव अस्ट्रेलियानि हेंथायै मोनसे (बिजिटि, एडिलेड), निउजिलेन्डनि हेंथायै मोनने टेस्ट मेच आरो इलेन्डनि हेंथायै मोनसे मेच जेनदोमोन। केंगारु हान्जाया भारतखौ 10 उडकेटजो फेजेनदोमोन। रबिबाराखालि 8 डिसेम्बर मेचनि थामथि सानआव भारतआ गावनि नैथि इनिंसाव 175 रानआव अल-आउट जायो। बेनि उनाव अस्ट्रेलियाआ देरहानो थाखाय 19 राननि थांथि मोनदोमोन। अस्ट्रेलियाआ नैथि इनिंसाव उडकेट खोमायालासेनो 22 रान बानायना मेचखौ देरहानो हायो। बिनि सिगां भारतआ 180 रान बानायदोमोन आरो अस्ट्रेलियाआ गिबि इनिंसाव 337 रान बानायदोमोन। केंगारु टीमनि देरहानाया फारिखौ 1-1 आव लाबोदो। भारतआ पर्थआव गिबि टेस्ट मेचखौ देरहादोमोन।

स्कूल सेम्पियनसपिआव गाउट गाउटआ 200 मिटर रेसआव गोदान वर्ल्ड रेकर्ड सोरजिदो

गोदान दिल्ली, 8 डिसेम्बर: जाखांफुनाय सासे गोखो खारग्रा गाउट गाउटखौ 8थि खेब अलिम्पिक गल्ड मेडलिस्ट आरो 11थि खेब वर्ल्ड सेम्पियनसपि देरहानो हानाय उसेन बल्टजो रुजुनाय जायो। बे खेबआव गाउट गाउटआ गावनि केरियारआव मोनसे गोदान रेकर्ड आरजिनो हादो। बिथाड 200 मिटर रेसआव गोदान रेकर्ड सोरजिदो। गाउटआ 20.04 सेकेन्ड समजो गेदेमा खारग्रा उसेन बल्टनि 2003 आव बारबाडसआव खालामनाय 20.13 सेकेन्डनि वर्ल्ड रेकर्डखौ सिमफायनो हाबाय। थारैनो गाउट गाउटआ फेगो समनि उसेन बल्ट जागोन नामा। 16 बोसोर बैसोनि लाइमोनखौ अस्ट्रेलियानि रेसार्जो रुजुनायाव जामाइकानि गेदेमा स्पीन्डर उसेन बल्टजो रुजुनाय जादो। बे बोसोरनि आगस्ट दानआव खुंजानाय वर्ल्ड आन्डार 20 सेम्पियनसपिनि 200 मिटर खारनाय बादायलायनायाव सिल्लार मेडल देरहानायनि उनाव गाउट गाउटनि मुंआ गोखोडै सावरायजादोमोन। बेनि उनाव गाउट गाउटआ गावनि बादायनायाव फारियै देरहाबोबाय



थादो। बेबायदिनो दिने बिंसबेनआव खुंजानाय अस्ट्रेलियानि स्कुल सेम्पियनसपिआव 20.04 सेकेन्ड समावनो 200 मिटर खारग्रा नै 1968 अलिम्पिकआव पिटार नर्मनि खालामनाय नेसनेल रेकर्डखौ सिमफायनो हादो। बे रेकर्डखौ खालामनो हानानै गाउट गाउटआ गावखौनो फोथायनो गोब्राब मोन्दो आरो गोजेन्नायजो फेबाय थानाय समाव गावनि गेलेनायखौ सिगां फारसे लांबाय थानो खोथा होदो। खोला सुडेननि सासे थागिबिनि नख'रनि फिसाज्ला गाउट गाउटआ आथिखालाव कुइजलेन्ड सहरआव थायो। बे जायगायाव 2032 माइथायाव अलिम्पिक गेम्सआ खुंजागोन। बै समसिमाव गाउटनि बैसोआ 24 बोसोर जाहैगोन। बे हिसाबै गाउटआ जुदि गावनि

गेलेनायखौ गोखोडै लांबाय थायोब्ला 2032 नि अलिम्पिकआव बाहागो लानो खानु मोन्नायनि मिजिं दड। आथिखालाव गाउटआ 200 मिटरआव 2थि बयनिखुइबो गोखेसिन खारनो हाग्रा आन्डार 18नि खारगिरि जानानै दड। आन्डार 18 नि 200 मिटर खारनाय बादायलायनायाव बे समाव आमेरिकानि एरियान नायटनआ गिबि सारियाव दड। एरियान नायटनआ 2021 आव 16 बोसोर बैसोआवनो 19.84 सेकेन्डआव 200 मिटर खारनायखौ फोजोबनो हादोमोन। सोलिफु दाननि जोबनाय समाव 17 बोसोर बैसो जानो गोनां गाउट गाउटनि सिगांनि थांथिया 100 मिटरखौ 10 सेकेन्डजो फोजोबनाय आरो हाफ लेफ खारनायाव 20 सेकेन्डजो फोजोबनाय।

अस्ट्रेलियानि आइजो हान्जाया वान्डेनि 2थि मेचआवबो भारतखौ फेजेन्डो



गोदान दिल्ली, 8 डिसेम्बर: फिन्नाय महरै भारतनि आइजो हान्जाआ 44.5 अभाआव 249 रानल' खालामनो हानानै अल-आउट जायो। ब्रिजबेननि एलन बर्डर ग्राउन्डआव गेलेनाय 2थि वान्डे मेचआव अस्ट्रेलियानि थाखाय जर्जिया वाल आरो एलिस पेरिआ सेन्सुरि खालामदो। जर्जिया वालआ 101 आरो एलिस पेरिआ 105 रान खालामनो हादो। बेबायदिनो अस्ट्रेलियानि थाखाय पिबि लिस्पील्डआ 60 रान खालामनानै आउट जायो। भारतनि थाखाय साइमाआ सा 3 उडकेट आरो मिन्नु मनिआ सा 2 उडकेट लानो हादोमोन। अस्ट्रेलियानि होनाय राननि टारगेटखौ होसोनो फोथाराव

ऑखारनाय भारतनि हान्जानि बेटिआ जागायनायनिफ्रायनो मोजाडै दिन्थिनो हायाखै। अपेनार स्मृति मन्धानाआ 9 रानल' खालामनो हादो।

लोगोसे अपेनार हालिनि देअलआबो थाबेनो आउट जानानै फोथारनिफ्राय ऑखारनादो। अपेनिनि बिबान सामलायनानै ऋषा षषआ केप्टेन हर्मनप्रिट कौरजो लोगो नांनानै सेन्सुरिनि पाटनासिप खालामनायनि उनाव आउट जायो। बेनि उनाव हर्मनप्रिट कौरआ 38 रान आरो जेमिमाआ 43 रान खालामो। लोगोसे मिन्नुआ 46 रान खालामनानै आउट जायो। भारतनि बेटिआव अस्ट्रेलियानि थाखाय एनाबेल स्ट्रैन्डआ साब्रै उडकेट लानो हादो। मोनथाम मेचनि वान्डेनि जोबथा बादायलायनाया फेगो 11 डिसेम्बरखालि जागोन।

दैदेनाय स्पेसियेल टास्क फर्सनि मोनसे हान्जाया दिसपुर पुलिसनि बिथोन बायदियै बसिस्ट पुलिस थानानि सिडव थानाय बेलटला बाजार आरो बेलुघाटआव हरखाबै मोनसे सिग्रोमनाय हाबाफारि बान्जायो। सिग्रोमनाय गेजेरजो पुलिस हान्जाआ बेलुघाटनिफ्राय 36.05 ग्राम हेरइन बोखांनो हायो। लोगोसे सा 3

आसाम पुलिसनि स्पेसियेल टास्क फर्सआ गुवाहाटीआव 1.4 कौटि रांनि हेरइन हमदो

गुवाहाटी, 8 डिसेम्बर: आसाम पुलिसनि स्पेसियेल टास्क फर्सआ गुवाहाटीनि बसिस्ट पुलिस थानानि सिडव थानाय बेलुघाटआव 1.4 कौटि रां बेसेननि हेरइन हमनायजो लोगोसे बेजो लोब्बा थानाय सा 3 फालांगिरिफोरखौ हमदो। मोनसे संगालि सुलुनिफ्राय मिबथिनो मोन्नायनि उनाव इन्स्पेक्टर कपिल पाठकनि

दैदेनाय स्पेसियेल टास्क फर्सनि मोनसे हान्जाया दिसपुर पुलिसनि बिथोन बायदियै बसिस्ट पुलिस थानानि सिडव थानाय बेलटला बाजार आरो बेलुघाटआव हरखाबै मोनसे सिग्रोमनाय हाबाफारि बान्जायो। सिग्रोमनाय गेजेरजो पुलिस हान्जाआ बेलुघाटनिफ्राय 36.05 ग्राम हेरइन बोखांनो हायो। लोगोसे सा 3



दायनिगिरिफोरखौ हमनो हायो। ह म ज ा न ा य दायनिगिरिफोरनिफ्राय गंसे मबाइल, गंसे स्कुटि आरो माखासे नोगोद रां बोखांनो हायो। बे समाव हमजानाय सा 3 दायनिगिरिफोरखौ बसिस्ट पुलिस थानाय लाबोनानै जाथायनि सायाव सोंनाय-फिन्नाय खालामगासिनो दड। पुलिस मावख'गिरिआ

फोरमायनाय बायदिब्ला, हमनो मोन्नाय हेरइननि बेसेनआ बाजारआव 1.4 कौटि रांनि जागोमोन। मख'नाय जायोदि, थांनाय माखासे दानफोर सिगांनिफ्राय राइज्योआव ड्रग्स आरो निसा मुवानि हेंथायै पुलिस बिफानआ गोखोडै राहा लानायनि फिथाइ महरै राइज्योआव बेबायदि जाथाय सोमजिनाया बाडइ जाबोदो।